

兩

浙

輶

軒

錄

兩浙輞軒錄卷二目

張嘉 徐化龍 朱之錫 王紹貞 陳增新

趙忠春 姜圖南 金漢慈 徐介 胡文學

章平事 汪汝謙 汪志道 應撫謙 陳之遴

陳之遴 蔣薰 查繼佐 張次仲 范驥

項玉筍 岳昌源 屠焯 徐榘 朱茂院

徐善 俞汝言 徐豫貞 徐濟貞 董漢策

章金牧 王益朋 楊雍建 史大成 曾王孫

葉封 傅宗 吳光 嚴允肇 陸宇燦

錢光繡 魏方炳 張岱 張曠 杜肇勳

姜希轍 蔣嶠 陳洪綬 駱復旦 毛萬齡

包秉德 姜廷梧 朱昇 繆泳 蔣之翹

史翼經 丁克振 趙璧 李敷 沈功宗

鍾諫 程千古 錢肅臨 全美楠 朱河

范溶 薛士珩 邵似昇 任德敏 謝歸昌

錢儼武 姚延著 董衡 項強 謝泰交

俞有斐 查旦 王楫 祁駿佳 林辰

王鴻烈 張人綱 朱國權 朱之鵬

兩浙輶軒錄卷二

督學使者阮元訂

張嘉

字鹿野號雪村烏程人順治丙戌進士改庶吉士歷御史巡按江南著興松堂稿

陳焯曰張嘉爲前明尙書丞明元孫

星渚

匡廬高不極疊嶂撐雲霄飛瀑鑪頂噴百丈騰玉蛟萬木轉
盤鬱五老垂山腰岸幘碍日月舉踵梯星橋遠公安在哉疎
鐘猶相招緬昔五柳公監輿何逍遙他時脫塵去橫山挂酒
瓢

徐化龍

字躍齋山陰人順治丙戌進士官鹽運使

龍華寺

龍華古寺誰開山遙看白塔青岑間巖壑幽深古木環到門
衆客皆舒顏殘碑讀罷韓熙載碑文係韓作知是南唐開寶歲八

分筆勢追李潮惜哉剝落碑將壞我聞吉城西精藍舊有五
獨此歸然存其四皆荒礎禪房石磴松陰滿寶座蓮花綠苔
淺天龍下護人不知初地發心吾恨晚落日溪光上客衣洞

門齊步盡逶迤來聽北谷黃鸝轉歸逐東郊蚊蝶飛

朱之錫

字梅麓義烏人順治丙戌進士由庶吉士累官至兵部尚書總督河道加太子太保卒

子祭

防疏略二十卷

金華詩錄朱之錫出庶吉士授宏文館編修

世祖

時幸館嘗見之錫嘉其勤給筆札賦詩有

覽之

大喜及袍遷正為續纂綱目之錫分盤古氏迄唐堯多

命坐

折衷于仁山前編又分纂六曹章奏遷學士上直票擬

旨遇

必冠從遷吏部右侍郎晉兵部尚書總督河道時運河

巡幸

夏淺而黃河秋決之錫馳視南北往來不息慮民夫苦

吏呼乃自為短歌俾道經淮大禩之錫創賑仍請留廣

積二倉正耗米一千五百餘石支給免輸輓之勞兼
巡方于輪蹄間割賦若神卒于官旗河多立廟祀之
過七里灘

謝公詩境好到此意超然水外疑無地山中小有天
櫂舟時磬折出峽又規圓七里容消遣石尤風與便
舟人諺云有風
七里無風七十
里

王紹貞

字約剛餘杭人順治戊子舉
人官景陵知縣著湛清齋詩

感懷

折腰不慣苦思家貽恨妻孥又暗嗟不盡春愁深似海無聊
秋雨細如麻杯空始覺貧爲甚睡少方知老更加欲往鹿門
誰其隱西風短劍怯天涯

又韓姪書室午睡

菡萏初開夏晝長城隅斗室有羲皇已知貧是三分福况乃

閒從一枕涼世味短來垂老覺庭花澆後夢餘香浮雲誰道
成蒼狗高卧於今絕村量

陳增新

字子更號除庵嘉善人賦治戊子舉人富安仁知縣著高微堂集

送品上人同盛伯含遊金陵兼東皖城方與三敦四兄

弟

品公吾禾秀往往似惠休詩才既清絕欲上金陵遊金陵布
衣盛伯含其人姓名傾江南一生好作五湖客惟許品公稱
莫逆丹青妙擅天下奇前身畫師人未識今年攜客到僧寮
意氣昂藏千仞高冬來重問桃葉渡將挈品公湖瓜步江雲
黯慘凍不飛江樹微茫引歸路皖城公子于我厚長醉燕山
握我手襟期雅與故人親相思應憶青門柳爲我且致袖中
書別離兩載今何如

趙忠春

字卷卿號梅谷子東陽人順治戊子舉人著就正草

宿洞前邨

夜宿冰壺外風生萬壑鳴時還當夏杪山已作秋聲
蘿月窺人古雲泉澀夢清鶴翻松頂露彷彿過瑤笙

野外

野人籬落外亂水繞林鳴屋傍斜枝架橋因卧柳成鄰僧從
此去山月與同行坐對青峯影輕雲石頂生

海棠

尋芳偶爾到山家一樹輕紅抹曉霞啼鳥未知春夢短匆匆
喚起海棠花

姜圖南

字滙思山陰人順治己丑進士官至御史

浙江通志圖南以庶常改御史巡視陝西茶馬吳三桂鎮秦川圖南劾其無人臣禮及巡按淮鹽革梔封橋

兩浙輶軒錄

卷二

陳增新趙忠春姜圖南

三

稅餘鹽諸笑

鮭收肅清

黃間平日滙思比蹤偉長以素辭自見
買祺生嘗言其文別有寄致固自不謬

藥邑署中漫興

鳥下西園乍放衙
凭高寄喘興偏賒
緣分平野千林雨
春到深山二月花
可是柴桑需秫釀
肯從勾漏覓丹砂
蕭蕭四壁孤琴在
依舊蓬蒿處士家

金漢愍

字公樹義烏人順治己丑進士授廣西右叅議分守右江道殉難贈光祿卿廢一子官

金華詩錄金漢愍登進士時方用師嶺右逾格授廣西右叅議分守右江道越二年嶺右始開抵柳州視事招攜懷貳明年李定國來攻桂林陷柳常首衝漢黨卒士民堅守力竭城破被執遇害贈光祿卿

謁宗忠簡祠用少陵蜀相韻

孤忠遺跡逸難尋
賸有荒祠檜柏森
長對几筵懷勁節
空聞山水挹清音
大聲呼渡千秋恨
疊疏回鑿一寸心
自古英雄

總如此令人俯仰一沾襟

徐

介

初名孝直字孝先更今名字堅石號狷菴

哭城販集杜詩曰狷菴父灑明崇禎甲戌進士官武陵
令狷菴少以文章自蒙為名諸生後棄去舉子業奉繼
母居湖濱母毀營葬畢寄寓齋寺不入城市性耿介不
和於俗終日閉對肅若秋霜然敦篤友誼有友繫獄謂
非宛陵顧景范不可解而狷菴不見非狷菴不能致景范時景范
適主顯者之家狷菴絕不與見顯者急友之難遂不遠
數百里買舟而往竟不登岸一介招景范至河濟立談
別去而友人歎曰此所謂名主者聞其至亟造舟請謁
已解維矣乃歎曰此所謂名
可得聞而人不可得見也
陳焯曰孝先又名曠短小精悍而吐音清越操甚孤潔
魏禧死真州走千里哭之手鈔其遺稿所者有山中漫
興一詩云尋山不期深入山不
期返願作山中人白雲時近遠

別贊伯抵芙蓉精舍作

幸逢朋好集莫問客愁侵抵掌無雄辨低頭但苦吟春山啼
鳥徧夜雨落花深別爾招提去遙遙鐘磬音

河洛精舍漫興

黃鸝弄好音柳色正春深烟雨迷朝景池塘漾夕陰問年須
努力卽事更驚心獨向庭隅立臨風且越吟

己酉除夕和李子視思韻

視思詩云似我長爲客憐君不憶家高吟傾濁酒短髮插

寒花寥落看交態飄搖感歲華
華夜來風雨急旅思正無涯

南州懸榻在捨爾宿誰家酒罷喧村鼓詩成墮燭花殘宵凝
凍雨曉漏度春華飄蕩江湖外吾生未有涯

胡文學

字道南鄞人順治壬辰進士歷官至太僕少卿著敬義堂集

績者舊傳醜使少貧力學嘗覓日不得米烹團瓜食盡
分飽家人而榜腹赴館鄞孝威稱其詩空微傳永令人
神遠蓋慳使少游明里李氏與戒菴昭武某堂三君契
得其詩法三君論定然後出以示人雖篇什不多然非
漫成者雅工豔體則又孝威所未及見也

袁鈞曰胡文學其父白徽州遷鄞釋褐授真定准官直
隸不設臬司大小獄悉成其手嘗鞫廣平一案冤繫者

衆悉平反縱遣之後以事過曲陽忽數百輩趨車前謝
即前所縱遣因也非謂逆黨聚爲亂事敗伏誅獲
驛株連甚多文學訊治得實毀牒不行巨盜高舉出沒
并代間幾二十年文學請無用兵以恩撫之肅率其衆
盡降擢福建道御史巡視兩淮鹽政捐俸起安定書院
置山長以課生徒休歸里未幾以四品俸起掌河南
道俄推陞太僕少卿行至濟上疾作復乞假歸文學爲
於友誼李郭嗣父子被難人莫敢過其門文學獨爲其
母往獄中問訊時盛寒僅衣一褐輒舟來渡江問者
義之餘姚邵孝子古倫欲賦其母文學聞之卽助以金
郭嗣帽者舊詩爲問離焉

讀曲歌

上馬歡出門馬嘶向門外門內落啼痕

不恨歡負儂恨被他儂取歸燕語來鴻送我只爲汝

東臯草堂作

澹慮偃郊廬息心遠城闕山色不厭人迢遞入窗室荒草自
幽深清暉盈林樾澗迴泉響沈谷空山翠鬱棲鳥林間鳴嶺

兩浙輞軒錄卷二

胡文學

五

後雲際立繕性已恬如琴樽任所適駕言事東疇良苗遠風
拂望衡候烟火日夕欣有息幽情足清盟軒簷亦容膝俯仰
復何須春芳幸未歇

適可齋書懷

適有此居名適可欣然日夕相徘徊清樽方滿嘉客至好月
欲上名花開流光無絲不得繫白髮有根誠易栽笑看人情
只加飯輞口相尋裴秀才

章平事

字大修諸暨人順治壬辰進士官未舉知縣著受熬堂集

諸暨縣志平事會試出劉子壯之門令河南以執法與
勢家作卒免官巡按待疏起復因親老告養家居四十

餘年肆力讀
書博極今古

贈陳老農

并序

陳老農密縣玉臺村人辛丑夏余自汴回洛道出嵩

山宿其家與話田園事風波閱歷邱壑之念已墜聞
老農言歸志益決爰賦詩贈別

羸馬嵩陽道暮投玉臺村窮鄉乏旅舍老農邀入門客位亂
耕具草堂上月痕新炊黃梁飯濁酒還盈罇山有雜野藪狼
藉老瓦盆誰能不相識輸誠如感恩翁年已七十五子八九
孫前朝崇禎末羣盜如蜂屯同儕死亡盡伊人今尙存

汪汝謙

字然明錢唐人著松溪集

慕詩銘畧曰然明先生所歎之叢嶽所至公卿虛席勝
流歛集剡江觀湖之客三竺疏蕩之僧西陵油壁之妓
北里雪衣之女靡不擊箱捧席傾囊倒篋人厭其意匪
連而不忍去其心計指畫精者鉤探風雅擗書法編
次金石刻度律呂雖專門內講不能與之爭能狗者點
綴名勝擬畫宴集所齋觀深殺載精旨杖函履展威得
位置及乎瀾西待盡神明湛然要馮二雲將諸人
摩挲名蹟吹簫竊阮移日視蔭迺抗手告別而卒
朱文藻曰韓門先生於乾隆辛卯哀刻家集自高祖然
明先生以下諸集總名之日春星堂詩集春星堂者卽

兩浙輶軒錄

卷二

章宗事 汪汝謙

六

然明先生始選于杭名其所居之堂也然明先生諸集
凡十一種內惟遺稿名松溪集者多在

本朝十餘年

間所作

孤山看梅

江山何處最奇勝錢塘西湖莫與並諸峰疊翠羅烟鬢寺觀
樓臺綺相映蕪堤蜿蜒雕鞍過堤畔桂楫揚清波六一泉邊
喬木古林逋宅前芳草多我來泛舟湖水濱行行歷遍梅花
春數株香氣沁心骨一頃花光如爛銀主人愛客開清讌對
酒聯吟恣豪健花間縱飲月滿卮燈下題詩冰拂硯座中爾
我同襟期中酒看花情亦宜孤踪一任世所棄百年獨許花
相知從教日日醉花前酒醒詩成花底眠君不見西湖無數
繁華子歲歲逢春白髮添

周櫟園先生過訪畱飲小齋

一椽安樂邵家窩，落落柴門挂薜蘿。老去酒懷還感慨，雨餘花信已蹉跎。漫勞嘉客停車訪，爲向衡門藉草過。齊名談劇不辭村釀薄，歸途莫問夜如何。

靈隱寺重建呈巨德和尚

離羣絕類羨吾師，魚躍鸞飛任所爲。天下幾多難了事，人間何處是歸期。藏來一笠誰識踏遍三生許，自知靈隱復開真面目。四圍山色月明時。

次兒請假歸省，督師贈余風雅，典型匾額。兒歸因敘親友，隨任十無一存，僮僕亦亡十七。余慨八十老人一切當謝，使餘年得閒，卽兒輩養志感懷，述事復拈八章，自此當焚筆硯矣。選

六載危疆僅一身，得求歸省暫娛親。相看莞爾猶疑夢，侍側

依然尙愴神却感嚴寒誰送暖寧堪晚景望回春囊中錢在
餘清俸屈指交情且佐貧

結客垂髫到白頭湖山每集盡名流章臺曾與脩眉史畫舫

還存不繫舟三竺松筠時嘯咏六橋烟雨日夷猶典型有愧

稱風雅道廣尤懋比太邱肅宗伯贈子小引云道廣太邱

汪志道字聲先號冷松錢塘人諸生著有濼園集

朱彭曰冷松所著濼園集陸梯霞序云汪子系出新安俗多遜末而冷松獨以文學世其家父子任先生湛深

理學籍盛文苑冷松胚胎前光緒志勵學發爲詩歌濡毫落紙雲霞風雨含吐於行墨之間

碧溪詩話覺先詩集世無傳本僅從清詩別裁中見其杜茶村雷飲書齋時有故宮人在座一絕寄意深遠故

特錄存之

游桃花塢有感

二月春風吹客鬢江城汨汨通潮信汪生朝起愛新晴鼓棹

攜尊發清興行行棹入桃花塢十里紅霞散芳樹江外青山
江上波時時隱見花開處醉眠藉草復長吟麗日和風自古
今仙源咫尺無人住縱有漁郎何處尋

杜茶村畱飲書齋時有故宮人在座

浣花谿上話殘春詩句文章老更真酒半一聲河滿子不堪
重見孟才人

題嚴子陵釣臺

名高震主定危身決計披裘老富春縱使狂奴無故態雲臺
不畫釣魚人

應搗謙

字嗣寅號潛齋錢
州人著潛齋文集

杭州府志儒林傳搗謙爲諸生殫心理學窮極底蘊環
堵蕭然而弟子日進立教惟以躬行實踐爲主於六經
多所發明尤精於易嘗病世儒言易失之穿鑿後巡
撫河陽趙士麟刻其性理儀封張伯行刻其潛齋文集

命再

行于世先是母病服勤數年母憐之曰吾為汝娶婦以
 助汝撫諫終不入私室母卒除喪始成禮康熙戊午兵
 部侍郎項景襄舉博學鴻詞力辭不赴
 子禮璧禮璋從遊于陸隴其克承其學
 陳尚潛齊文集序曰先生明末諸生自乙酉後謝絕
 人事門戶不出一毫髮不妄取予惟以教授生徒自給
 衣冠樸澁動止必以禮法讀古人書欣然有得輒筆之
 於書酒滔汨汨而未嘗有止也合肥容齋李公仁和眉山
 項公台疏薦之疏稱先生立身峻潔表章六經奉
 微俱以老疾固辭
 碧溪詩話應潛齋先生為吾友叔雅之曾伯祖文集二
 冊刻本藏叔雅家叔雅言先祖先世皆居城東高祖
 弟處今散失不存矣叔雅又嘗言吾家世居城東高祖
 諱朝玉號太室前明萬歷已未進士官刑曹不仕塊黨
 告歸崇禎初錄敘一歲數遷官至河南左布政今俗呼
 其地曰大方伯者是也舊第甚壯麗後圖非寬頭東有
 小巷鑿井汲水灌花名澆花街今俗訛呼教化街也然
 詢之里人無有知之者矣所著有周易集解春秋集解
 孝經今文辨定大學授定古本中庸本義理學彙編古
 學全書重訂梓理大學諸書皆有自序並見文集子又
 嘗見汪氏振綺堂藏詩經經解四冊尚是
 手稿而集中不見有序殆佚不傳者久矣

東城步月

秋月照平畦流光皎如霏遙眺東城上一望成白練木葉時
始脫百步人影見遠沚其遊遊行行過僧院僧院戶已扃寂
寂行人斷籬犬吠如豹復與踈鐘間言咏未欲歸枝頭露已
涿

陳之遴

字彥升號素菴海寧人前明崇禎丁丑榜眼本朝起侍讀學士歷官至宏文院大學士著旋吉堂

詩草浮雲集

查義選佛詩傳先生父中丞祖苞在前明時因邊疆失事庚死詔獄先生以其喪歸

國初授侍讀學士歷遷至大學士機智敏練嫻習掌故一切時政因革釐定俱出其手後以建言獲咎謫居盛京

賜環復有言其與中使往還者乃再謫歿於戍所曹倦剛言

素菴集名浮雲十之一二非全本也義幼時會藏先祖手書先生西湖竹枝詞數首皆集中所不載

鄧漢儀曰滄園問塞翁曰江南有三大家吾浙屬誰塞翁曰海寧州國其一卷圃深以爲然其詩雄渾清壯固

堪建織詞壇

俞寶華曰之遊少善詩謫後益工康熙丙午卒
於謫所後五年之遊妻徐燦疏請歸骨許之

西湖竹枝詞

妾恨蓮心苦自知
郎情却似楊柳枝
蓮花到死還望藕柳枝
過春那復綠

珠兒錢粉曉勻描
與郎偷踏第三橋
千萬莫將楊柳折
枝枝都學阿儂腰

讀茗上諸子峴山秋禊詩悵然感舊

葉丹峯碧峴山秋三十年前此拍浮猶憶爾
時群彥集正如公等少年遊看山共豁雙青眼
作賦今存一白頭自古名區非易到牧之垂老得湖州

大凌河

麟麟車軫接曉涉大凌河斷岬春流急平原野燒多風輕橫

俊鵲沙軟臥明駝尙憶嬰城日如雲萬騎過

陳之述

字揮升號立菴海寧人順治辛卯

俞寶華曰陳之述爲前明勳遊巡撫祖苞
子官中書後以子齊承貴贈太常寺少卿

泊寶應縣

小邑維揚郡扁舟宿水涯吳天征雁少淮浦客帆遲獨飲邀

明月孤眠憶昔時故山遙在望愁絕竟何爲

蔣

燕字聞大號丹崖海寧人由縉雲教

朱彝尊撰墓誌云縉雲經亂無學舍君就居樊氏宅有

天際樓羣山羅列案前君乃講學會文涉惡溪梯陽谷

闕於諸生中後先取科第君性耽山水旁及天台孤嶼迫

周覽桃花之隘芙蓉之嶂縣境諸山所至題名於壁縣饑

遷知伏羌縣考稽禹迹積風樂碑衢道於是司府交

流移載道君請革除濫徵夙弊勒碑衢道於是司府交
怒誣列君罪狀巡撫以爲過渾文曰知伏羌縣事董處
不殘之地雖無苛政及民然性近迂闊賦詩立碑催民科
猶有不宜加處分爲職之戒其云賦詩者濫徵既除民科

也君既歸布衣席帽徒步瓜膾麥隴間終年不入城府

詩多至萬篇手自汰除猶存五千餘首特不與蔣名者

相接故其詩文不甚傳

於時第取自怡悅而已

宋文藻曰蔣蕙詩汪淮選木作嘉興人俞賈華選本作

海寧人按杭州府志藝文有海寧蔣蕙開大撰塞翁編

據蔣詩曹秋岳招集湖樓偕張登子題下自注云同郡

曹溶山陰張陞秋岳是嘉興人朱彝尊撰落誌稱君爲

海寧人而不言諱字序中有蕙處洞殘之地一語其爲

蔣蕙無疑竹垞與蔣同時其著籍海寧可爲確據而汪

選以爲嘉興者亦非無因也

早過蘭谿縣值雨

渡口雨蕭蕭烟波慰寂寥人家臨百雉江路轉浮橋芳草沈

春色垂楊長綠條不愁溪水淺晚瀑可通潮

曹秋岳招集湖樓偕張登子

同郡曹溶山陰張陞

煩書招夜飲翦燭話高樓客自山陰到秋同湖上遊泉聲清

几席月影落簾鈎坐聽漁歌近窗前起白鷗

晚至安慶

斜陽明楚甸暮靄隱江城
前岸青山出孤洲白浪生
檣高知渡口燈遠辨人聲
歷歷寒星照寥寥夜柝清

被劾蒙赦作

迂懶當亭吏催科奈拙何
雖然苛政少無乃賦詩多
白簡虛

名悞

皇恩絕塞過不才猶未棄
松菊待巖阿

查繼佐

字伊璜號與齋又號左尹海寧人著敬修堂先甲後甲集鈞業先甲後甲集落葉編遠道編共十七卷

查表選佛詩傳先生有異才以悟力超絕一時詩文不肖蹈襲前人一字漳浦黃石齋道周極爲推重崇禎癸酉領鄉薦薦魯藩徵爲兵部職方郎中甲申後不復出周講堂於鐵冶嶺下論學其中其大指以存誠爲體經濟爲用與空談性命者不同學者稱敬修先生著述甚富

兩浙輶軒錄

卷二

查繼佐

十一

大師著有語錄翁

尚書叔元序之

巖門詩話先曾伯祖伊璜以詩文負重名結廬東山下顏其堂曰敬修從遊者不遠千里有知人鑒識海陽吳六奇於行丐中厚賜之後吳積軍功至廣東提督以厚幣邀公至其軍贈費鉅萬及公以著中私史牽連維吳力保得釋家僮待婢解音律者十人悉以些呼之時稱

十些有雲些月些二僮尤聰俊能記公詩有乞書者命

二些謂而書之人呼爲活錦囊

送朱子錫鬯北歸

自負人誰識其如世道何
耽書誠有癖快語慎無多月影
東南小江聲日夜磨與君期
歲暮袖草一來過

夜泊七里灘

小棹凝寒落日邊
碧空削出水雲偏
烟將帆影疑前浦
雨共灘聲度短眠
客去無星臨此夕
我來何處認當年
只應鄭重高深意
未是桐江莫與傳

張次仲

字元祐海寧人

靜志居詩話先生晚隱郊原高壘上

履二之時詩有真意不盡規撫古人

俞寶華曰張次仲爲前明天啟辛酉舉人窮經好道自

表讀書處曰待軒學者稱待軒先生甲申後自號浙汜

遺農順治中直指舉賢良方正以病辭康熙丙辰卒

年八十八著易困學記詩記春秋分紀及待軒遺稿

朱文藻曰講案

欽定四庫全書錄張次仲所著周易玩詞困學記十五卷待

軒詩記八卷俱列于明代諸家之末今以其卒於康熙

國朝已歷三十餘年之久且其詩亦多在晚年所作因與諸

遺老並列之

春遊

桃紅李白鬪新粧到處風飄百和香拚向玉缸沈醉殺風光

青絲楊柳挂河津萬緒千頭惱亂人憑君折盡長枝去省却

勞勞送客頻

落花何意各西東
厭聽蕭條一夜風
吹謝吹開都是汝
教人嘆喜太匆匆

訪談觀若

端居寂寞道何尊
一艇衝寒晚叩門
野曠天高數株樹
水枯橋斷獨家村
窗間片紙風蕭瑟
枕上遺書日討論
攜手遲遲向阡陌
不知何處採芳蓀

范

驥字文白號默菴海寧人著默菴集

查義選佛詩傳先生才敏絕倫爲文尙經術放黜百家
人方之廣川董子書法鍾王同鄉先正吳本泰一見稱
異悉以書籍與之環堵蕭然日以經術自娛順治甲午
舉賢良方正力辭及卒鄉人私謚清獻先生所著十三
經評注百卷古韻通補十卷愛
日堂文集二十卷得問草一卷
巖門詩話默菴於有韻之文不多作亦不自收拾人
皆以經神目之不名其爲詩豪也顧詩格落蒼老不
拘聲病嘗自題詩卷後云流風迴雪吾家事時樣娥眉
畫得無一枝橫出西江外直是香溪與石湖又自爲之

跋云家香溪石湖皆入中晚唐之室近人不識蘇黃門
運安詆賤劉皇甫混所云詩未有劉長卿一句已呼宋
玉作老兵良可笑也竊比前賢自有餘愧然老
夫自起盡於此矣觀此知先生固以詩豪自負
俞寶華曰范曄爲前明歲貢生詩與查繼佐詩
淑齊名時稱查談范陸孫鑒菴嘗云然菴詩風調簡率
意旨高深有
王孟氣象

喜雨

高臥北牕中瓶中粟已空米增一倍價人到十分窮幾尺稻
花雨半牀蕉葉風莫將同舍火因熱召梁鴻

遊東寺

壁觀高僧白日長不將魚鼓動修廊籬疎遙見茶烟溼齋近
微聞佛粥香繞屋竹陰遮梵榻半天花雨散橫塘自嫌綺語
妨禪寂拋却笑奴舊錦囊

項玉筍

字喇雪嘉興人山歲貢官
景陵知縣著懶真堂詩集

何所首平象

卷二

范讓項玉筍

橋李詩繫烟雪爲柱
芳子令景陵爾循吏

子蓉過荒園小飲

偶向西園坐荒蕪只墓田故人憫風雨持酒話殘年東閣千
帆影南湖百頃烟迢迢白鶴隱欲渡候漁船

遊小石屋

石屋千年後僧居僅把茅路盤飛鳥背袖拂老松梢雲裏遙
分磬泉流自至庖此間堪卜隱擬喚孟城坳

同古辣泉步椒嘴

朝登狼山顛日出逼我肘暮降椒嘴灣日落在我手咫尺萬
里濤奔騰迅蒼狗雲烟無恒態波外少所有一帆自天來疑
向空中走老石類頑鐵瀆洞斷崖口有客小結菴田園輕傲
帶蕪樵三十年來往無一友

秋夜感煙賦詩次韻勉之

青秋天氣迴木落小憑闌愁見黃花瘦空憐白紵寒門衰人
易賤兒死汝尤難相見無他語挑燈帶淚看

岳昌源

字潤菴嘉興人遷居
吳湖著經野堂詩刪

吳典詩話謂酒菴自嘉興遷歸安之菱湖嘗夢游具區得
句云混沌疑包海空濛欲浸山濯足成之又舟次口占
云深樹含煙綠沿堤小艇橫桑陰

人不見但聽蕭刀聲具有神韻
羈鴨效畧云謂先生詩忠厚排惻太朴未散獨挺
流俗狀樹教道被緣情隨物者流會何足以知之

夢涉具區吟詩云混沌疑包海空濛欲浸山竊意前此
未有此警句也寤後足成全律

恍入虛無際凌風自往遺身如天馬逸心共野鷗閒混沌疑
包海空濛欲浸山笑余曾浪跡挂席兩峯間

雙溪舟中口占

深樹含煙綠沿溪小艇橫桑陰人不見但聽剪刀聲

屠

焯

字仲昭嘉興諸生著漁莊詩集

梅里詩輯先生爲勵齋續從弟少嘗受學於勵齋於書無所不讀詩多激越之音錢允武選吳越詩以捐去秀廉用共激壯稱之所著有周易大義四書大義輿地考

哭伯兄

別離春復夏夢魂嘗復覩三接南來信慰誨如飲醇夏杪發
使書緒言方諄諄寧知兄不待棄世已經旬心期鬱種種一
逝難復陳昔同兄哭弟交拭泪流痕今茲哭我兄獨影逾酸
辛念我伊何切舍我亦何因相思不相見此恨竟誰伸

夢王千明

生死見交情精神自不隔昨夜見君來謂是遠歸客不帶亦
不冠忘形信疇昔悲喜一掛中相看仍莫逆疎簾逼鄰雞歡

娛失頃刻言辭猶在耳顏色何從覓故人多媿負何以宣明
德千載有心期於君永相憶

送李斯年遊黔

芳草憐余病青雲羨子遊巴黔千嶂迴吳楚一帆收夜雨湘
江竹秋風黃雀樓他年到京洛司隸有仙舟

徐

榘

字庚清號西溪嘉興諸生著西溪詩草

梅里詩槲秋槐秋間二王之後文學稱詩策早在鄰若
箭谷諸老之前骨秀神清端莊流麗純是初盛正聲不
雜中晚

徐

榘

初春雲木淡於秋小岸疎烟入暝愁明月不須連夜照無人
更倚竹西樓

九日

楓樹蕭蕭幾夜霜
西風殘照菊花黃
年來已作無家別
何處登高望故鄉

客中送友人先歸

一雁落哀聲
河梁別思驚
清秋不覺到
白髮豈難生
木葉千山變
煙波萬里平
憑君先發客
傳語未歸情

朱茂晚

字子芾號芾園嘉興人著頌頌集

俞吉曰子芾父君籟公爲文恪公豕子十年郎署青袍焉馬贊薈長安道晚守楚雄官署如恰舍民愛之如慈母至貧不能歸假貸於上官而後就道論者比之清石君兩廉過之則以子芾侍養佐成之也子芾補諸生以學古開先後從諸父遊長安及楚粵嶺黔算筭之區無不游歷窮年屹屹贊經緯史蠶頭細書盈尺漢笥未嘗少暇息文筆右與深藹淺學者不能句讀而子芾未嘗一自表著甲申後不應試布衣徒步闕關中或手自攜持菜把遇之者不知其爲三公子孫讀數千卷書游涉萬餘里普書滿家者也

朱彝尊曰先叔父芾園先生行第八少補學官弟子遠浮名傍世學先大父守楚雄萬里從行繼又隨從祖思

恩守山楚入粵周覽西南山水之勝所至以詩筆自娛
及嘉興城破避兵夏幕蕩之北有故人邱岳託其子于
先生而符海入粵轉徙閩廣以死先生視岳之子如已
子爲之娶婦教以學文居室三楹書籍筆鬚鹽豉蒜果
雜置几案客過或自執爨集中詩所云三十卽悼
已所苦米鹽并有時賓客至手自調吳羹是也

濱陽峽

峽口生暮雲峽中黯如墨柔櫓聲何多疎燈影皆匿八月苦
風波十月苦盜賊

病齒

十年仇離身蒲柳零秋節上斷左右齒或脫或杌隄豈惟廢
嘯歌將欲屏麴蘖安得逢真人授我華池訣頓令危者安粲
然復駢潔菹肉及硬餅入脣便翦截免效昌黎翁顛倒漱水
法

徐

善字敬可秀水諸
生著蕭谷遺稿

兩浙輶軒錄

卷二

朱茂晚徐著

六

蕃釐觀四十韻

坤極何年峙靈祠此地修塗山開禹甸秦折祀神州上國遙
吳處中條盡海頭江淮憑鎖鑰南北控襟喉自古韶華地嗟
予汗漫遊待尋明遠賦重擬士衡籌刺眼琳宮出憑虛貝闕
浮星文低睥睨蘇字剝响嘯絳節來雙表參旗下九旂圭璋
羅嶽灑雷雨說鍾球雲自封中起人須象外求精靈存髮髯
鬼物怖雕鏤更憶瑤池種曾栽紺殿幽翦綃臨小國國蕊借
冰毬夢破銅駝陌春催錦纜舟洛陽紅矢豔汴岸綠無稠浪
築沈香檻虛馳採玉郵長懷霜雪意不傍綺羅愁太素原無
色人間詎久留邊霜凋碧樹漢月冷珠邱松晚聞笙籟江晴
起棹謳寒莎眠鉞獸斷箭撤銀虬仙觀臨孤閣端倪見十洲
沙橫千里白草送六朝秋芑碣迷龍采方壺隔屐樓仙宮餘

石鼎鼇極壯金甌吾道宜漂泊茲方盛治游竹西歌管沸花
下役車休豈意烽烟動俄然雅吹收羽林煩七萃遺幕敵諸
侯片檄飛南浦千艘咽上流衣袂頗有戒殘孽藉忘憂渺渺
懷天末栖栖感道周閒情嗤杜牧高寄想用驄駿折還依棧
鷹飢展失韉書遲疑過雁路絕指牽牛清淚消金掌羅裙弔
玉鉤林燈催暮展市雨瀉寒溝塵累應須謝神仙得到不青
冥登眺罷天地一蟬蛸

梅花嶺謁史先生衣冠墓

廣陵城邊花柳簇廣陵城上鷓鴣哭
鏗礮崩城罅尙新碧血
燐燐古苔綠憶昔黃巾覆漢宮
孝陵弓劍在江東孤城獨倚
宗雷守運去空悲吾道窮
廬壽歷陽開四鎮纍纍登壇懸鵠
印金錢百萬耗司農
貂錦五千歌破陣
天子宮中醉莫愁
火

照甘泉渾不問白馬青絲撼地來黃旗紫蓋隨波盡峩峩視
師臺沈沈閉鈴閣前軍鼓聲死後隊融風作四面雲梯肉薄
登一身直醢心何忤烈膽如瓜刃上擎明星似斗營中落牙
門突將蕭摩訶十三射生絕北河握刀帳下終不去藏公遺
蛻山之阿刻香結蒲柳復爾烏白馬角傷如何雖無東園林
也學祁連綠黃昏松柏閃雲旗白草麒麟臥荒壠無數梅花
向日開照徹冰心常炯炯梅花開落冬復春幾回飛雪隨風
塵遺民還有樂公社麥飯年年淚如瀉

初夏偶作

江郊幾處喚提壺果否高陽尚有徒
迂宅豈宜論去住酒天從此入虛無
筇人倚處垂楊裊雉子斑時小麥枯
擬遯麴車花外駐夕陽城闕又荒蕪

城南半畝舊柴關碧蔓丹葩露井殷容膝有樓非百尺冥心
無夢不千山溪流四注蓮花港雉堞平臨楊柳灣舍所居有
四蓮花橋
又有楊柳灣在
舍西百餘步 疎懶未諳遊轍跡席門苔繡正斑斑

送曾青藜之嶺南

欣聞鞞鼓息樓船琛寶遙通漲海天驅馬直過霜雁外飛杯
莫放早梅前二馬高詠多名彥五管靈蹤半列仙倘遇羅浮
倦遊客倡酬應滿鐵橋邊

俞汝言

字右吉自稱浙川遺民又號大滌山房集

因初

稿李詩繫右吉為前明諸生歷遊燕趙韓魏宋衛閩粵之鄉越雲中雁門歸而閉戶

著述驚快之富近代學人莫與抗衡有漸川集及先儒

語要京房易圖晉軍將佐表禮服沿革漢官差次考宋

元泉要歷紀年同聲錄弁州三述補品級廣平義山志

識法考補雙湖雜錄本草摘要晚又著春秋平義十二

卷因傳糾正一卷坐是兩目失明然猶口授諸書使人

久予雖少每於燈窗視席間執卷商榷頗以爲孺子可教而今重有典型之悲矣所登諸詩皆昔年手錄者惜不得覽

其全集

曾濟蒼曰先生夙以詩古文名後益遠於經學年六十餘著春秋平義映簑繼燭目因失明

進艇

晴川曲曲抱沙堤岸柳依依遠近齊山色欲開疎雨外夕陽忽在亂峯西舟前波浪流駛望裏烟嵐樹低作客乘春行處好故鄉曾否息征鞮

徐豫貞

字德宣號滄滄子海鹽人著滄滄子詩鈔

鄧漢儀曰滄滄先生居泰溪觀日月潮汐蛟龍草樹之變勾芻有奇書門無雜賓曾一游京師磊砢難合杖策

東歸爲將母計所著詩篇皆與奇警得漢魏三曹之精隨而不屑與時流角門下

錢仁榮曰滄滄先生晚年儲心淨土築室秦駐山下日逃菴有終焉之至詩學陸劍南楊誠齋

遊西山石池憩池上齋

疊巘紆輕策深洞涵清池倚石寒袂葺援流暮懷遲潭雲靜
猶興松風來無時石壁斂虛響陰崖吐幽輝翛然憩菲構悠
悠理朱絲降襟有終古茲抱誰與期

雪中舟次百步亭假宿僧寺

短棹衝逆浪風雪到野寺寒汀舟子僵旅爨僧庖寄村酒不
到而瓦罏且溫趾爲我開禪房聊擁布衾寐窮途得所依詎
敢言草次鐘聲清夢魂燈影耿羈思明發邁前途孤帆雪中
去

秋日晏集族姪山莊題壁

清江木落生素波塞鴻夕下西風多碧草連山盡秋色野橋
黃葉相經過馬鞍峯頭白雲駐馬鞍峯下空烟樹阿咸小築
傍雲林開宴留余三日住筵前勸酒樞輪袍徵歌劇飲爭雄

豪曲罷不知海月白醉來却望秋天高秋天高高月轉白洗
盞重呼更移席竹林清嘯寫奇懷滿山叢桂連芳夕四坐風
流映一時水東亭上坐題詩賞懷花月爭搖筆領取江山入
酒卮

晚次錫山

歸途經歲晚寒日下毘陵凍野月無色夜霜風有棱市橋舟
聚巖山店酒懸燈何處鳴絃撥淒清客思增

過族祖恥齋公墓作

并序

公侗儻不羈頗涉書史對人言不肯作鄉語人皆笑
之明嘉靖中海上被倭寇公父遇害發憤以布衣走
京師上書闕下世廟大奇之立召見與語大悅勅光
祿賜飯下其書總制胡公宗憲俾參軍謀累奏績效

幕府欲上其功公謝曰某爲父報仇耳他非所冀也
竟拂衣去公奇氣高節有古烈士風而人多以狂目
之沒世無傳亦可慨已豫過其墓下因追賦之

霜松勁柏盡南枝想見當年磊落姿脫輓客同婁敬說拂衣
功似魯連倅儘教鄉里嗤狂士豈許奸雄目可兒寂寞一杯
無斷碣平生忠孝竟誰知

眼鏡

四體任妍媸神明在兩目嗟我年未耄眸子滅天燭

東坡詩而况清

淨眼內景

看花已如霧展卷苦難讀爰有玻璃鏡越海來西

服用以助雙瞳朗然照昭矚隔闕使之明此理思反復要知
外有藉故是內不足本爲眼蒙翳乃令鼻受梏傍觀堪一笑
自顧嘗捧腹寂坐澄內觀昏夜見朝旭吾視不以眼擲鏡恐

不連

仲春東郊客舍新霽作

海天雲散盡晴巒傍海人家負郭攢二月鶯聲過社雨一城
花信歷春寒腥風入市魚蝦上返照窺林鳥雀歡準擬探梅
隣寺去明朝蠟屐印沙乾

漫興

春溪搖綠遍垂楊取次尋幽蠟屐忙蔬筍十年忘肉味鶯花
三月戀杯香風光那肯容人嬾伴侶偏能愛老狂海郭名藍
知幾十題詩擬徧贊公房

秦驛山阿看桃花口號

東阿爛漫桃千樹大勝元都觀裏春碧水山橋通謝屐紅雲
雞犬隔秦人林邊踰嶺遙橫竹枝上啼鶯獨岍巾撲面花風

渾欲醉徑須歌臥綠莎裯

自秦溪舟行至角里山因書卽目

海上羣峯晚靄間扁舟如畫綠溪灣路穿夾嶺通前浦雲抹

遙村補斷山雀口桑開蠶事近

桑葉初生時狀如雀喙俗名鴉雀口

貓頭筍過

麥秋遺衰年莫悵流光速節物娛人自解顏

看菊沈氏齋喜遇周白門

偶因訪菊過東田邂逅相逢故友偏執手忽驚人共老回頭
不記別何年挾毛錐走才難已縛草庵樓懶自便大有辛勤
驥背句可能一爲野夫傳

初冬卽事

散策溪橋坦步行農家十月愛冬晴竹牀競打開堆稻

打稻牀以

木爲架前低後高

瓦曰旋脊待糞杭橫徑紫殘看後菊隔牆

黃刺摘餘橙秋成如許差無負明歲山田薄也耕

仲夏卽事

海邊邨落散烟居布穀聲催午月餘紫棟陰中縹白繭綠楊
風裏賣黃魚平沙牛去朝攜犢細雨人歸晚荷鋤歲聞未須
農事急一犁烟水正徐徐

西湖長橋泛舟至孤山放鶴亭作

青山出雲雲入湖雲光動水波有無雲波窈窕風生處淨卷
氛埃洗鷗鷺羣峯倒垂霜鏡來孤舟背指青天去南屏夏月
搖蕻鐘孤山吐水如芙蓉林逋一去不復返千秋梅鶴皆塵
容放鶴亭邊獨回首六橋堤畔無楊柳今古風流欲待誰江
山我輩還詩酒

登雲岫蘭若

在高陽山絕頂路有九盤山下有永安湖
湖分南北中有長堤界之峯巒回匝南而

大海真明聖
湖之亞也

曲磴盤空上精廬偃岫孤層雲搖漲海萬嶺落重湖日淨松
杉曩天高鶴雀呼平生邱壑志飄灑向蓬壺
湖曉開雙鏡山晴列萬峯偶來松石上坐對白雲重海色封
春浪潮聲定晚鐘悠悠今古意含笑倚孤筇

徐濟貞

更名贊宸字淵棧海鹽人著霞蔚軒稿

構李詩繫徐秀才濟貞爲忠烈公季子其爲詩新舊可喜又嘗築海鹽先輩詩曰海谷遺風集

漁浦野眺

長途寂寂越山前日暮孤征見輞川牙檠銀篴飛鶴渚雨蓑
風笠捕魚船溪邊落木三江地城外歸帆半霧天漂泊只今
嗟已甚滄洲不斷有荒烟

董漢策

字惟儒一字芝筠烏程歲貢生著作浣居詩集

汪淮曰康熙庚戌年江浙大水漢策創糴和改折諸議以寬民力又捐貲賑米遠近賴以存活者無算范忠貞公撫浙曾舉應才品優長山林隱逸之

詔引見奉

信以科道員缺試用忌者誣奏放歸歸後益肆力經史以教

後學者周易大成

讀古定本等書

雨花臺

山也何故名爲臺覆蔭蒼翠如一抔欲去不去春三月風光徐引游人來平坡塔級不可繪綠楊爲帶霞爲蓋畫樓幾處醉眠人指點煙巒數層外草色欲成波浪起行至山巔肯不止高處如雲下如水從下望上亦如此澄目天南江水明江中帆與青山平變化陰晴雨俱適天花積氣之所成遠望疑闢亦疑闢到山無峯亦無樹天地隨心造此山不復拘之以法度何妨竟作水榭看裙屐春風且徐步

甲午遣歲

欲去不去歲云暮欲來不來春較遲長吟小宋南亭雪快讀
老杜夔州詩全身不匿青山影養晦但遺蒼松知年華沈醉
君休笑莘耕渭釣真吾師

舟泊琴川

春樹鶯啼春欲去送我扁舟春渚行微風吹起一川綠小雨
漸闌雲壑清松陰坐暝客無語石澗水流雲有聲滿空飛響
發春籟疑聞壁上絲桐鳴

歸雲菴

松梢似無路雲來補作山挂瓢人去後聽雨夢初閒蝶舞花
三徑琴鳴水半灣虛堂瞻瓊鍵遙識翠蛟還

章金牧

字雲李號萊山德清人順治戊子拔貢官
伯府知縣著萊山堂集八卷遺藁五卷

兩折斷厓際

卷二

章金牧

三

湖州府志金牧博聞強識工詩文居官廉平仁恕有飛
蝗過縣殛心焚捕災殄歲穰民得安阜政理餘暇焚香
賦詩以自娛

織簾臺謂沈織簾先生也

尊酒一杯煖春田五畝餘欲尋高士傳近得織簾居石路峯
雲細陰厓谷樹踈當時諸沈貴門外滿軒車

清遠堂社集卽席分賦

中郎風致照煙霞遣恨紛紛雜暮筵秋草已侵袁粲宅青雲
忽下信陵車列侯劍佩通雙掖漢室生徒擁百家垂死得逢
懷抱好不知江雨怨長沙

王益朋

原名聘字莘民後改今名字元之號崔山仁和人
順治乙未進士二甲第一人改庶吉士歷戶科兵

科給事中累官太僕寺少卿

卒祀鄉賢祠著清監堂存稿

浙江通志益朋官給諫首疏劾海上鎮將交通賊黨請
按以軍法後果事敗他如清盛政酌禮運外復衛所內

復五府修盛京以重根本發淮課以莫嚴疆糾貪吏以
破官邪皆直言無隱丁酉典試江西轉太僕少卿卒于

官有王黃門

集奏議行世

錢塘縣志益朋爲諸生讀書海昌偶道出臨平夢幻身
虬螭騰躍雲雷間有紀事詩云潮來忽化赤虬公兩手

推日排天空紫綬使者傳

帝勅命臣激水南海東

嘉興府志王益明仁和人以康熙

丙午下居嘉興北郭外之秋涇橋

碧溪詩話臨清堂集五卷當時僅刊一卷係鑿庵序云

王黃門鶴山自其爲布衣時有公輔之望起家中秘擢

貴門歷吏垣節節事天下之利濟生民之休戚無

不開口上書有漢汲黯唐孔戣宋常安民之風

同門人柴士容詠田舍

野望何寥廓老農私自憐荒田五六畝茅屋兩三椽雞犬俱

胥吏桑麻辦稅錢幾時兒女樂共祝太平年

冬日門人士客攜霜降一律問余作此和之

玉露霏霏漸作霜青楓搖落獨凝粧寒蟬猶自鳴秋樹候雁

初聞過草堂牙齶翩翩迎歲祀狐裘奕奕簇繡裳可憐遠戍
還無已此日征人亦斷腸

冬夜有感

北風蕭蕭木葉落凍雲不開雪又作一聲孤雁渡河來城頭
夜半猶聞角君不見南征將士多苦心轅門日落鳥歸林鐵
衣慘淡冷難著月黑沙場鬼火侵

楊雍建

字自西號以齋海寧人順治乙未進士山高要知

撫黔奏疏弗過軒詩

鈔景疏樓集自怡集

朱彝尊神道碑畧曰公諱雍建杭州海寧人補嘉興府

學生員入國子監順治甲午順天鄉試舉人乙未會試

中式知高要縣事擢兵科給事中轉禮科右給事中再

除吏科左給事中進刑科都給事中歷左右通政使太

僕寺卿擢都察院左副都御史巡撫貴州人為兵部左

侍郎以母年高上章乞終養既免喪分

命修理高堰以勞成疾引還公在行間久瘡習軍政西南倣
將弁多公拔擢以是入贊中樞若問境無感劉遠舉照

及騎洛北堂居勢夕臨以櫛櫛自甘遇發竒襟交胸無
冰炭田衣山展舍車而徒行道者不知爲一品貴人也
天子時還公迎鑿三百里外
御書松高堂扁俾懸於宅計周
賜祭葬如

范讓詩集序畧曰詩以道性情以齋有以齋之詩侍臣

待瀟應無寐蓋臣之詞也洛水至今變

聖主求衣尙未明蓋臣之詞也洛水至今變
帝力神功自古惜民勞大臣惘俗之詞也批鱗總爲求民疾

主恩俯友相戒之詞也但知刺史臨池寶不道西江伐鬱翁
見說春溪仍樂土安知欲浦一殘疆廉吏之聲也

昨夜三更月到窗孔顏樂處露清光高人之致也

戴瑞曰黃門初上諫獵疏又上天變修省疏皆關天下
大計聲震一時王漁洋刑爲本朝諫官第一公曾孫嗣

會爲余同年撫閩
清望有乃刑風

卽事

三冬無雨雪烽火威氛屯白羽馳殘月征車出國門徒薪難
再誤借飭尙堪論魚釜庸何慮宵衣勞

至尊

滇黔蕩平喜賦四十韻

上將尊推轂宗臣舊有聲桓桓節制肅矯矯姓名轟余本駑
駘質來從絳灌盟車攻賦六月戎服易三英之楚克相遇班
荆如故情前軍知其濟後勁任孤撐遠襲銜枚走先驅卷甲
并辰龍關已度鵬虎隊難搜比里烽煙接連山刁斗鳴風雲
成助氣草木盡爲兵巒嶺諸峯隔銅江一葉輕預期籌撫輯
不敢負蒼生窮寇思奔竄陰謀設壘阬五千能突入十萬看
橫行羽檄無虛夕郊原久輟耕河橋人寂寂溪澗水盈盈
天討原無敵

王師但有征宵登先拔幟葺食異和羹竝值倥惚際誰言節
鉞榮紛馳隨怒馬信宿定嚴更直搗夜郎穴旋離貴筑城火

攻斷鉞索狼顧息金鉦庚癸呼尤急飛輪事可成既臻破竹
勢未見倒戈迎介冑何時脫黔黎切望併徒然慕叔子未許
學劉伶况奉

君門詔官矜化外氓因風移細柳決計向昆明箭起羣麋逸
鋒摧九地鉤嬰城猶負固環郭共屯營米粟逾珠玉櫬槍掃
戰爭伐謀彰大義揮鉞戮長鯨不必三年克羣傳六詔平捷
書通

御座良夜奏鸞笙宥罪

宸恩溥歸誠

帝網宏論功推玉案定策錫盤纓化日巖疆靖和門曉角清
儒生難荷緩帶亦揚旌豈熟韜鈴畧聊爲清燕廣侯封信
有數國士又何驚

觀風臺

城上高臺接混茫，天都風物鬱蒼蒼。雲封雉堞千村遠，地竝烏聊六水長。見說春溪仍樂土，安知歛浦一殘疆。黃峯極目徒相望，贏得愁思滿客囊。

凱旋兵過黔中喜無所擾

如雲禁旅悉旋旌，偃革臨黔市不驚。爪士勿因楊一本，軍中有此

口還推節制有先聲。

題曹棟亭畫卷

平陽姓氏重江鄉，父子同官世澤長。已信

皇猷誇黼黻，重開袞職煥衣裳。高亭遺愛皆堪思，老幹開花到處香。我亦有心歌盛事，詩成聊以寓甘棠。

史大成

字及超一字立菴，鄆人。順治乙未，賜進士第八人。授修撰，累官至禮部左侍郎，兼翰林學士。著八

行堂

今世說史立巷為少宗伯時同官議戮孝子飾媢厥給
 曰彼自分內事何與朝延史曰為子不孝為婦不節亦
 何與終養為當事所格曰吾豈以一官易一日之養乎
 陳情終居十年例免
 遂家後遇赦得免
 削籍後遇赦得免
 續者傳史氏於吾鄉為四姓首而有明三百年不登
 華要內不過曹郎外不過知府至順治乙未公以狀頭
 起直接袁正肅公後為人和平敦厚不激不挑淵淳岳
 峙凝然自寶以修撰在講筵祿沃對切茂戊戌其父忠
 之因繪已容事公亦令公繪已容寄父公間命驚林晨
 夕不安而故京察六年俸滿始得假歸公僅四歲不
 合例乃抗疏自陳曰思子不見思見子之儀容呼子不
 來類呼子之姓氏臣而忍此不見思見子之儀容呼子不
 人臣疏入許歸養方疏入時公早朝在官門外旁皇徒
 倚忽假寢夢有人告之曰行矣終無濟也公驚寤失啣
 及中途而因問至孟疏上之次日論者謂其誠所感而
 公以是病不欲生哀毀成疾遂以養母家居六年母卒
 補官華以是疾遠歸節未竟其用也其詩清醇雅重如
 其人史氏詩派遠潮節崇真隱而友林風格最高能嗣
 蕭東夫之齋家卿亦清逸至有明八股
 行後人殊少以詩名者至公振起之

同濟車車金 卷之二
施天石入都晤余喜而賦此

南山雲北海龍相去不知幾千里卷舒出沒長相從此生磊
落無許可我知有君君知我兩人冰雪對棊樽十年風雨同
燈火胡爲乎我留冀北君故廬一年但寄加餐書一書三月
始得到暮雲春樹常愁余今朝相見長安道把酒看花莫草
草酒盡爲君沽花落爲君掃我幸少壯君未老

送張越青給諫終養歸里

是處歸春雁鳥飛猶上林多君愛日疏先我望雲心臣齒幸
還少

主恩良自深望塵道可及策馬莫駸駸

范潞公去官歸里

山色故園好如君歸及春詩從攜杖得名以去官眞林竹甘

於蜜湖尊綠似蠟試看紙尾署誰不歎風塵

曾王孫

字道扶秀水人順治戊戌進士由漢中推官歷官四川學道著清風堂集

感懷

種桃北山隅種李南山岑山南恒苦風山北恒苦陰台容坐
空老含情復誰伸桃李非不佳所處違厥心

富春道中

驛路名山應萬重臨江落日照青楓丹青莫訝黃公望生長
層巒疊嶂中

葉

封

字井叔號慕廬嘉興人黃陵籍順治己亥進士官登封知縣入爲兵馬指揮著嵩遊集

携李詩繫慕廬以父官楚遂入籍

黃陵入都爲指揮遷主事未任卒

見開隨珠井叔生平精于爾雅說文嘗以詩質王阮亭

阮亭盡刪其舊作獨取其嵩山詩五六十篇爲嵩遊集

序而刻之又選其已未庚申詩刻之列于十子中十子

者宋牧仲舉王幼華又旦曹升六貞吉顏修來光敏田

起大成 卷五 葉封

綸霞安子何重輝丁厓木梓嘗頌嘉禾
汪蛟門懋麟并井叔也由是名益噪

大仙峽

絕澗通幽徑扶筇擇步過高厓危下鶻重磴曲如螺雲破鳴
泉落春寒賸雪多誰言中有地不識在山阿

十一月七日再登少室宿寶豐巖下

天門直上覺天低恨少驚人句可攜黃葉已深荒徑沒白雲
忽度亂峯齊蚤寒山氣愁將眼遠鸞河流望只迷倚杖聊從
巖下宿一燈霜色晚淒淒

傅

宗

字德孚蕭山人山陰籍順
治庚子舉人著江園詩集

毛奇齡傳德孚稿序畧曰山陰傅德孚時與蕭山沈子
先例以詩文行天下稱江園二子云當居江園時崇尚
節槩每曰恭義如皇甫規文章如賈誼亦可矣故二人
者皆好學力行一時自好之士皆歸之予嘗題之曰兩
龍環雲津雙
珠生浦源

毛奇齡江國二子集序畧曰二子並以終賈之年賦班揚之賈羅緯文理追思粹雅前古迄今各擅標勝譬之

歌者依永和就班

舞者尋聲而蹈節

蔡黃曰江國二子集久已散佚不存孫生度從村塾中

得德字先生詩集鈔本其序次評點體例悉與毛太史

西河詩集同蓋毛太史定本也詩凡古今體四百

餘首其字先生詩則何其茂孝廉從藏本鈔寄

懷蔡大敬先生

當世有奇士城南久卜居病憐司馬渴愁著子雲書時藥當

堦砌栽花遶石渠遙知風雨後高臥北窗虛

登武隆山

晨發幽慮積駕言陟茲山茲山一何聳縹緲接中天澄潭俯
鏡澈巖花開鮮妍邈矚窮荒塗邇梯越遐阡古廟鬱嵯峩結
搆昧前賢攬袂立躊躇四望空雲烟聊以抒蘊懷非徒逞遊
盤緬想古人意神往契幽元世事難具料祛悶來躋攀瞻念

情不已焉能謝繁喧

吳

光

字述前號長庚歸安人順治辛丑進士第三人授編修著南山草堂集

湖州府志光於甲辰分校禮閣鑿拔多名士康熙三年命往冊封安南時海外初服未識大體光移書宣諭之贈遺

一無所受

風節凜然

吳興詩話光有使交集漁洋選十二首於感舊集中

遊虞山韶音洞

探奇尋古嶠巖竇臨清瀨空谷響易奔萬竅咸竽籟苔蘚映
崩壁竹柏翳叢蒼冬夏鳴瑟商昏旦變明靄壘邈蒼梧逶
迤翠華邁驂虬紛嚙噬羽旂森晻藹攬袂南薰亭天風動衣
帶月皓清湘流雲空九疑外抗緬千載前躊躇發深慨

登昭州城樓卽事

兩江穿石壁疊嶂倚孤城舟向猿邊下人於鳥上行巖幽谷

霧暝野曠成烟平薄暮樓笳發樓樓旅客清

泊瀟口二妃廟是瀟湘二水會處

泛檝楚江曲輟棹瀟湘涯天水互澄廓矧逢清秋時霜明沙
渚淨露寒岸草滋芳蘅被長薄修篁映素漪月華臨夜空青
山竊多姿帝子渺何許嬈娟遠水湄透靡迴翠旌彷彿驂文
狸蒼梧白雲去洞庭丹楓衰美人期不還日落愁參差睠彼
湘竹吟躑躅有餘悲

九日武昌舟中同朱印岡小酌

九日扁舟杳層陰晝欲開孤峯銜日薄遠浦宿雲迴重憶山
中菊還同江上杯波濤焚口急蕭瑟罷登臺

登浦空烟晚高城霜氣微秋澄萬木澹江遠片鴻飛碧樹漢
陽郭青山黃鶴磯去年京國會惆悵故歡違

槎江雜詠

炎微日多雨淙淙畫欲陰雲烟粵嶠異風霧瘴江深草換今年色花舍隔歲心浮槎天地外悵望一長吟

新月邕州郭愁心對夕磯三春芳草暮萬里斷蓬飛宿霧連山澹明星遶樹微刀環今夜望惆悵故園扉

嚴允肇

字修人號石樵歸安人順治辛丑進士

吳偉業宜雅堂集序畧曰修人之從兄孝廉蔚宗應屆

著述兄弟間講肄服習以相勉修人沈潛好書白六經

以下嘯齋搜討九潛心於人家

之作得疾徐抗壁問不中節

今世說修人七歲受經十歲能文十五六諸子百家淹

貫畧盡既生華胄又早得名好學不倦著述益工又孫

介夫稱嚴修人其談如菊其溫

如玉其靜如止水其虛下如谷

沈德潛曰石樵以同官累去官後與同官遇益厚禮

之人服其長者詩攬眷容大雅近代作者亦不多見

吳興詩話石樵宰壽光為前官連累歸徐宗伯俾送別

詩歸田久袖栽花手肅賦曾分承露盤漁洋感舊集祇

選菰城懷古一絕而此
絕集並無之殊不可解

觀繩伎作

長繩骨竿高百尺楊花雪落城南陌美人冉冉化行雲細縠
輕紉望空擲冷袖雙開舒錦臂娑娑往來若平地盤中小舒
飛燕舞樓上驚看綠珠墜迴眸顧盼無限情空裏忽聞環佩
聲天風吹入碧雲去始覺仙骨珊珊輕輕軀上下無斷續舞
罷腰肢新結束燕釵墮地悄無聲背立當窗鬢雲綠抱得秦
箏寫春怨歌唇宛轉吳趨曲吳歌楚舞絕可憐誰家笑擲珊
瑚鞭

菰城懷古

春申遺蹟下菰城隱隱青山不辨名斜日半篙流水碧更無
黃歇子孫耕

高澗喜霽同徐子山行作

好鳥啼殘春積雨泉流活曉霽斂遊氛漸午衆峯出遠勢落
重邱參差狀非一空山草木靜至性固莫奪和風來幽香雜
花各異質松濤時一奏天籟挾清瑟登高眺廻溪鏡光盪崖
日始知高尙人愛與塵事隔

遊壽山寺贈開上人

嵯峨香剎迴雲間百尺藤蘿尙可攀行入長林多怪石坐深
幽榻見青山彌天瀑布呼龍下匝地松陰放鶴還開道眞僧
敷坐處重門清晝掩禪關

送宋荔裳按察四川

驄馬出薊門駕言赴岷峩前驅負弩矢乘傳相經過劍門天
下險錦江翻白波近代厄銅馬西川血成河至今勞生聚人

少豺虎多大夫，秉邦憲，兢兢志靡他。外臺持風紀，霜雪變陽和。文翁寬匪弛，武侯嚴不苟。蜀道易平地，巴渝起新歌。琴臺與卜肆，古蹟猶未磨。追從訪揚馬，道遠將如何。

述哀

母之生我，日在角絡。緯鳴機，夜深作歌。成黃鵠，不忍聞大兒啼。飢小兒弱，亂離伏莽。乞餘命十口，流離竄叢薄。朝呻夜吟，不甦休。骨肉幸免填溝壑，長養衆雛畢。婚嫁慈幃未省舍，餘樂當時奉檄心。獨喜今我窮悴，至於此。俯仰無因，供菽水。衾影之間，媿人子。

陸字燦

字春明一字披雲
鄞人著觀日堂集

董曉山觀日堂序畧曰披雲我冠正襟危坐一室焚香
慨花意其人爲石丞蘇州一流乃唱嘆之餘則爲羽徵

變登如風如雷不知者以爲詩殊
其人其知者以爲人奇于詩也

袁鈞曰陸宇燦爲世科子諸生明凶性愆後死節爲撫
宇傑方參豫諸幕府事宇燦左右之性愆後死節爲撫
其子如所生張肯堂之孫入獄百計求出之不得則以
百口保之業謙死無子爲養其母終身一時游容至四
明者多投宇燦如青神余崑華亭宋龍樹城方授皆居
觀日堂中及授苑象山爲合殮焉少時嘗買茗爲婢
已而知其爲宦家女遽反之亂後傾家以贖子女之被
掠者有傳焉祭酒世振將出山者賦十斷句祖道氣以
危素和州之行世振笑曰趨車之詩云畏我友朋此之
謂也卒不應壽昌僧晤面故名家子有志節宇燦甚許
之已而以漸有雜交索還所贈祕衣悟節宇燦過而止
性喜鈔書日夕無間臨終歎曰東萊趙隱君避國年譜
吾大郎許鈔寄尙未至耶
枕上賦自輓詩四章而逝

霜

曉氣肅殘漏鐘疎月落時孤衾人不寐高樹鳥先知鱗瓦飄
寒焰銀沙咽斷浙威稜殺萬物松柏有餘姿

邵之文兄弟至自蛟川雪後畱榭

木杪看舟至知君兄弟情閒愁詩在篋生計僕粗耕急雪梅

花煖春風竹葉清年來狂更甚夜半有歌聲

錢光

繡字聖月一字盤花

李昭武從慕堂集序畧曰聖老二十年前詩發掇已久

空而遊於吳會一變為瑰異今則洗鉢中條枯心守寂

益進而上矣乃生講學則師石齋談禪則師木叔友朋所

嚴事者則夏履庭翁坦人黃九烟萬允康視開美徐閻

公麻孟倚陸鯤山耕岩吳次尾沈崑銅沈君牧顧子方

頭星源係克咸錢開少張沁水李叔則陳定生闕古古

查方舟巢端明張仁庵徐魁傑不羣之選其後或殉國

周子佩方爾止陸冰修皆高峻然雅愛先生贈以法

蘇或稱高士者也石齋門牆高峻然雅愛先生贈以法

盧二銘法廬先為敬忠子少隨父僑硤石交浙西名士

生硃中齋名也中宛中南中文江左名士時社會方盛

與字景 錢光緒

三

碎不赴而經營周鍊之獄甚力後歸里措莖齋菴祕園
歸來開談禪奉佛白署寒灰道人然日啖龍羹作牛心
炙飲醇酒本色如故也晚年蕉萃遂成
心疾一日忽以憤懣自裁論者惜之
碧船詩話錢聖月題丁原射畫一絕已入明詩綜則當
列於明末然從慕堂集中有壬寅除夕詩係康熙元年
所作是其入
國朝已久矣

秋夜東退山肅圖

坐惜頭顱老寧嗟運數遲逢時慙我拙負俗畏人知
薜荔三秋服蒹葭五夜思苔堦空佇立雙屩露華滋

社集曹子玉瑛民部園亭

不將蘿薜易纏纓滄海眞堪老客星青雀舫移南北岸赤欄
橋接短長亭柳眠已倩鶯催起花醉翻教酒勸醒嫋嫋東風
吹欲遍可曾吹綠上冬青

皇亭山中口號

頗憶皋亭萬樹桃好從深處結團瓢他年漁父重迷棹記取

溪南第一橋

魏方炳

字大方號直菴山陰人著任懷問霞二集

山陰縣志方炳八歲能文十三補弟子員與王正義劉北生友善甲申以後奉親入山閉戶著書旁及岐黃青烏諸術皆得其奧

廣陵有懷越中諸同學

作客但依客思歸頻夢歸愁連春草長意逐野雲飛自是天
涯僻毋喚雁字稀登高倘相憶應亦望斜暉

蕭山晚歸

夜霧蒼茫裏浮雲黯淡時愁看葉落晚身與雁歸遲遠水夢
何處薄衣寒自知前途明月上聊用慰淒其

張

岱

字宗子號蔚菴山陰人著石匱藏書西湖夢尋快園道古奚囊十集

紹興府志：昔為前明廣西參議汝霖之孫，六歲汝霖攜之適杭州，時華亭陳繼儒客杭，見岱命屬對，奇之，閉汝霖曰：此吾小友也。及長，文思益湧，好結納海內勝流，岱本累世通顯，服食豪華，家蓄梨園數部，日以聚諸名士，度曲徵歌，及問以古學，挑之則自四部七畧，以至唐宋說家，蒼萃瑣屑之書，靡不該悉，明心避亂，荆中著書十餘種，率以夢名自謂，少壯瓊華，恍若夢境耳。

皇朝文獻通考：山陰張岱，明一代之遺事，為石匱藏書谷應泰作紀事本末，以五百金購得之。

越風陶菴世家：子蒙放，自喜曰：聚海內名士，有文舉座上之風，晚歲家日落，鬱鬱不自聊，年九十三卒。

輓何柱史書臺

羅江鏡水其清澄，有子全忠故可稱。無忌生來真似舅，書臺為問

文簡賓王寧死不為僧，且將碧血歸荒壤。畱取丹心見孝陵

載筆書銘何處是，空餘涕淚纈寒冰。

張曠 字潛民，山陰人。著鳴玉堂詩選。

鳴玉堂詩選仁名氏序畧曰：潛民以世家子，能襲其家學，而生長康華，追席遺緒，朱輪華茵，鼎鐘冠蓋之盛，幾

三十年癸子資田道路填尾具飢人之色乃猶然漚漚
洋洋下筆爲文章慷慨磊落無半愁憤歎見于詞句則
又予之所處
卷面三嘆也

廣陵除夕

荏苒年華駛蕭疎白髮新歲除同宴客俱是未歸人莫望江
南使脚傾囊裏春寒燈挑欲盡歷落共風塵

廬山道中

谿橋積雨苔將滿官路初晴沙帶暄茅屋幾家存粟里藍輿
到處入桃源懸崖老樹多臨壩古寺澄潭特映門縹緲高峯
雲霧裏擬攀絕頂一開尊

濟南西別劉何實

官舍周旋忘歲月驢駒此日獨問關情深仲舉懸繩榻酒對
平原壯客頗歸路祇應懷白雪白雪樓爲李滄溟讀昔到家
處嘗與何實遊宴其中

兩浙輶軒錄卷二

張曠

重

恰好看春山鹿門倘有躬耕地何日能來相往還

杜肇勳

字功王山陰人著聞古齊詩選諸集十種

浙江通志杜肇勳以前明世勳武舉官都司有勳海寇劉香功著水壺草初蘭草客舟詩草耕餘草青門草攜

雪草涉園草開古齋詩選吳游草臥雲草各一卷

王登三撰青門草序畧曰余鄉杜功王氏起家世肯俠骨文心風流慷慨少以轉粟論功屢進樓船將軍以肆

應之才著發旂常寄與于酒而草精于詩緩帶輕裘致詩說禮登樓吟咏橫槊賦詩先季重叔氏曾為長歌贈

之晚歸鑑湖以老諸錦日開古集近舖居多五律較勝其格清而氣渾者著于篇

秋曉

高館靜秋夜閒愁醒獨眠雁橫將墜月蟲碎欲明天孤夢迷將覺殘更斷復連攬衾嫌絮薄不省自高年

懷程文在廣文

却怪程夫子飄然別杜陵岸花明去棹閣雨暗孤燈問業門
留雪之官署抱冰相思寒夢夜蘿月滿青藤

新柳

畫橋西畔影垂垂風起花飛滿路岐高唱有文徵白社輕陰
無力坐黃鸝烟橫古渡人千里綠挂春耕雨一犁正苦邊愁
連歲月莫教長笛倚樓吹

秋懷

獨立衡阜晚農村刈稻香墟烟寒落照山翠濕斜陽鷺立深
光白鳥啼城影黃秋衣惜蘿薜刀尺剪風霜

涉園漫興

覺於遊興倍今年芳草烟絲杖履邊不少閒情無樂地最難
連日是晴天喚嬌春色鶯將困吹倦東風柳欲眠只有蜂衙

排不盡亂勾香豔過窗前

姜希轍

字二演號定菴會稽人一作餘姚入前明崇禎壬午舉人 國朝由給事中歷官奉天府府丞著兩

本考

集

紹興府志希轍授溫州教授遷知元城縣入爲戶科給事中歷兵禮二垣再爲戶科至奉天府丞引疾歸希轍爲明工部侍郎天樞之子曉暢廟堂典故爲諫官所論列多持大體及家居凡郡中利害必白常局者不避嫌怨老成府學若黃宗炎葉階平毛奇齡輩皆館于家以主盟菴林四方之士趨之如流白希轍捐館而前葦風流熄矣

落日

舟行不覺暝晚日漏清暉色射金波動光牽白鳥飛水村桑柘火山女夢羅衣明月遲遲上沿溪戀翠微

梅雨潭

澄潭飛匹練一鏡兩崖間絕壁輕雷下青天急雨來春陰寒

白晝山氣近黃梅歎息題名者尋幽破草萊

蔣

暉

字雲壑又字子巖會稽人著斯友堂集

周長發斯友堂集序畧曰先生自明末爲諸生慷慨重節義發爲詩文模古範今何以矩矱粹然一出于正殆有知之者可謂高介篤實君子矣

舟中漫興

書生憐杜老風俗問長年水調吳姬曲雲帆楚客船黃花歎岸雨紅樹半村烟萬里蒼茫道漁歌落照邊

園居

矮屋疎籬一逕長當門流水接魚梁雲窺茶竈詩腸冷雨薦蔬盤菜甲香東郭有人呼處士北窗無夢到羲皇兒童不慣閒情緒亂逐飛花上下狂

陳洪綬

字章侯號老遊又號老遲諸暨人著寶翰堂集

兩浙隋阡錄卷二

蔣暉陳洪綬

七

朱彝尊傳畧口洪綬年十四就塾翁家嘗於素壁
畫漢前將軍像長十尺婦翁見之驚拜以室奉侯
師事劉宗周既而縱酒自放頭面或經月不洗求
雖罄折足恭勿與至酒間則小夫稚子無勿應稱
期飲西湖去他舟淨髮亦善畫花草絕唐馮秀才
畫大駭竟去顧淨髮亦善畫花草絕唐馮秀才
詩云吳興公去他舟淨髮亦善畫花草絕唐馮秀
待詔調鉞殺粉綴前人多每視其真蹟所畫美女
絕倫今則履本紛紜多係徒嚴木子山司馬姚台
湖塢雜記雨堤垂柳幼時及見其盛明橋頭楊柳
翦伐陳洪綬會寫一圓自題其始不見老六橋頭
裏六橋頭亦稀真寶湖山今不見老六橋頭楊柳
若幸之面賣惜之也每放步其間不勝緒當年之
海嶼詩帝世所傳章侯詩絕妙時過越城鎮東閣
神宗皇帝親視一平年有句云勅取春畝不問天
章侯所購硯一平年有句云勅取春畝不問天
果事皆便餘問多在南山下割取春畝不問天
王太史方便餘問多在南山下割取春畝不問天
又同鄉自猿供使尋此章侯呼猿十言畫硯一首
是山長暗是何意呼山自此後來磨呼猿十言畫
空山長暗是何意呼山自此後來磨呼猿十言畫
俾斧斤廢怪石亦飛來與猿相對泣不復幽深
眼無巨靈力余欲鑿碎之白猿當自出雖不甚工別

眞率之趣又見其爲仲青道人掛溪山清夏圖詩云林屋張公不得過神隨筆法上浮螺別風淮雨時舒卷紗

子三聲一巨

羅亦有姿致

息亭詩話諸箋陳章侯洪綬能詩而名勿著爲畫所掩

也然詩亦流傳甚寡朱竹垞明詩綜僅錄其附伎畫飛

仙一絕云桃花馬上畫飛仙自擊生綃乞畫蓮好事日

多還記得庚申三月寺樓前王漁洋感舊集錄其憶舊

一絕云佩溪梅雨山樓路竹塢茶香佛閣眠清福都成

今日憶神宗皇帝太平年又嘗與毛西河約某時過蕭

山相訪而以年暮畏死先期而至會賦詩云蕭山想絕

傳時親兼想湘湖雉尾尊明歲有期今茂往老無詩集

二年人此詩見西河與周樸園書未嘗存稿其老友姜

生平作畫嬾于題咏偶有所題亦未嘗得詩一卷鐫于

詩季與共晨夕見有題輒爲鈔錄久而得詩一卷鐫于

板老蓮見之大喜因自爲序名曰陳老蓮集老蓮卒毛

退居

聲華最役神清閑亦勞志坐月草率吟亦欲求謙意月暗竹
影無投牀將酣睡野鶴唳數聲欹枕忽無寐

何所曾軒象卷二 陳其毅

秋興

清晨已上小樓凭薄暮還從曲徑行
曳杖逢人能論古提壺

有客劈新橙年來積得悲秋句
到處遺將耽酒名莫道糟邱

歸臥穩一簾霜月聽雞鳴

駢復旦

字叔夜諸暨拔貢生歷官崇仁知縣

紹興府志復旦以拔貢授推官例收知縣初除陝西三

原以事罷事白補江西崇仁更以遺賦落職復旦性慷

慨喜交遊越中當順治初年好爲文社每會舉八邑名

士百餘人復旦必爲領袖率越士赴十郡大會連舟

數百艘集嘉興之南湖太倉吳偉業長洲宋德宜數十

人竟於稠人中復旦長於詩落筆有才氣博大而卓朗

越中爲詩者推之兩宰嗣邑日與部下

上及四方名人鉛華唱酬媿媿忘晝夜

越郡詩選叔夜五古直追建安共流逸處尤近陳思本

弟嘗言叔夜五古甚合法偶詢叔夜必深自斂抑乃所

請如此司馬君豈

僅以賦才顯也

短歌懷毛子大可

蕭然才子妬蘇客短衣窮巷牆東陌門外車馬紛如雲室中
書問堆盈尺與君異巷東西趨隻雞斗酒時歡娛紅菱白藕
紛錯落坐中顏色何敷腴只今離闕動經旬江樹遙遙莫問
津試看沙畔雙樓雁愁殺東西南北人

贈俞月巷都護

水犀精甲滿江州組練旌旗控上游鈴閣花深時臥鹿樓船
波靜不驚鷗千金價重鵝羣帖五夜詩傳雁字秋長日多愁
兼病肺每聞高論却登樓

洪州對雪歌

昔時曾對西京雪千山迢遞飛鴻絕把酒時懷金闕鐘振衣
欲試通侯節今年流滯住洪州雨霰經旬雪未休黃雲索寞
蘊深巷便牒追呼盡故侯還思汾晉驅車日何似山陰夜雪

舟

送馬少府之思明任

赤嶺今看負弩迎秋高驪唱倍關情遐方舊啟流官路內史
新爲萬里行夜月丹砂勾漏火春風蘆管緝江聲伏波祖德
標銅柱弔古何煩喚老兵

大安寺石鼎歌

寺中古鼎何剝落云是赤烏前代作晉宋流傳千百年神物
爛熳存佛閣金銅仙人擁露盤魏宮西指淚沈瀾驪山風雨
暮蕭瑟鎬池白壁空烟鬢長沙父子橫江起東吳事業須臾
耳草草君臣數十秋英魂毅魄沈江底此鼎歸然峙梵宮碧
文丹蘚照江東護持原藉諸天力聊置應緣造化功遊人落
拓景經此感慨寧從晉魏始羸顛劉蹶總尋常廟社鐘鏞同

逝水

毛萬齡

字大千號東壺蕭山拔貢生官仁和教諭著綠衣堂集

蕭山縣志萬齡順治七年拔貢授推官例改教職與榮奇齡有江東二毛之日所著詩文遂安毛際可同里蔡仲光爲

之序

毛奇齡曰余幼時從兄學聽其說詩謂當在審聲盡而格調自出此實此詞入樂要義近方就斟酌亦獨取其宿昔所製者以表體裁

淨慈寺山閣聞鐘

暮色搖山閣鐘聲出寺東
噌吰泛湖水浩蕩入松風
側近翻疑遠憑高竟若空
乾坤無限意盡在此聲中

初夏禪止祥劉道遷劉巨津何實甫小集百尺樓因懷
駱叔夜朱孟璜徐克家趙伯升諸子

百尺層樓醉筦絃
雕闌環沼漾荷錢
平蕪點雪看飛鷺
高柳

嘶風聽咽蟬午夜斗杓澄劍佩一堂珠玉照山川清風朗月

思元度烟樹茫茫塔影懸

包秉德

原名散植字飲和號卽山蕭山人著雲峯詩鈔

毛奇齡傳畧曰先生坐口坎坎體慙而目卑已談言恠
友每高會先生坐之亦恠恠而沈坐末席摘擲號笑四顧無
恠人以言及之先生作酒賦沈不即屬詞自持讀萬卷
聖人者嘗與先生作酒賦沈不即屬詞自持讀萬卷
當無復過之者而先生坐息私納紙入袖沈不疑其
遠成也採之出音詞珣然沈捲白去明日又賭作琴賦
沈又惡其速成也又去之邑之
為古學者必首推包二先生焉
孫度曰包二先生寓于鍊字如水聲半譯溪邊石月色
猶私嶺上松野守錄嚴尊古佛孤村杯媛仰新醞取韻
亦往往覲澗古詩有全篇如庾語者詩集無刻板手鈔
約五百餘首向藏王香泉景會家字類宣示帖波折不
不荷香泉
寶惜之

借徐徽之師徐涵之王二徽徐大之趙如如泛舟西村

一艇就紅葉藏舟泊水灣烟如媚暮色天亦喜秋顏濃淡村

村樹浮沈處處山歌清惟鳥和波冷覺魚閒

同王二猷胡尊崗登西山

斜遵樵徑共盤桓
襖置荒畦遠樹攢
天裏千山低覆笠
城規萬竈小彈丸
松鄰浮土風聲澀
水涵湘湖雲影乾
倚石欲眠苔蘚合
蒼茫海氣夕陽寒

遇梅花樓

半衲尋禪侶因之曲折經
牆低遠水白樓迴暮山青
備勝多栽樹逢佳必構亭
春光及細草烟影上孤屏

初上雲峯

冒險艱馳騁嶙峋溪路冥
春融積雪堅躡蹬足難整
進寸退反尺攀躋援草莖
躡飛鳥道陌兩膝屈於頸
躡石入雲呼翠行頗自挺
崩劣勢粘天掙風惟竹影
老樹發荒叢徑絕鐘聲

迴路轉關前林陟之乃至頂山僧不識名漸次通款營利古
佛光寒峯崑嵐氣冷登樓憇劍書出戶攬光景探此虎狼窟
心靜始有警徘徊溪壑問總曰非人境

送張天瑞歸姑蘇

吳越天連一水分帆歸六月掃征氛孤舟棹綠常爲客半榻
燈紅又話君酒氣亂浮湖上月墨光長拂嶺頭雲姑蘇別夢
飛應遍宇寄三秋囑雁羣

病况

日飛已若鳥塵積應如山天剩秋來煖人餘病裏閒科頭枕
較密量腹藁誰剛坐倚南窗竹輕雲點漠編

姜廷梧

字桐音餘姚人著待剛
集芳樹齋集甲乙詩鈔

紹興府志廷梧故明大司農一洪仲子幼給捷行文不
起草太宗伯黃道周宿司農宅聽廷梧詠詩而音之謂

司農曰君尚難爲陸荆州耶此非平原平蕪山毛生
人延語曰與張杉往來拯徐緘爲盜質其子叔婦
上叙曠之鼎革後闔戶而居娶祁忠敏彪佳女名巖
賢而有文與廷梧偕和廷梧出遊必語詩相詠有游如

集傳

人問

孫度曰先生本餘姚人後爲祁忠敏公

塔橋若郡城諸家選木並作山陰人

登白洋黨山望海

湖落平沙島嶼青荻蘆
旂下一舟停但看菴背知神石不見
帆檣返使星落日天晴人望遠
登高風急酒微醒徘徊秋色
波濤外木葉寒聲滿耳聽

澤國風霜值暮秋
寒林野燒幾村稠
天連白水浮城郭
艸盡黃沙放馬牛
萬里愁雲迷鳥路
十年世事羨漁舟
滄靄不倦登臨日
鷗鷺高飛在上頭

憶平原山居

高枕深山百不憂，新抽碧筍過人頭。共將負耒營三徑，無復
撥眉詠四愁。竹路鳴鞭支遁馬，春風垂柳謝公樓。五年追憶
情何限，擬結茅菴志未酬。

憶毛大可

四面南風動白蘋，新晴爽氣滿湖濱。自憐綠鬢悲芳艸，空對
青山憶故人。學似顧融初閉戶，身依元度舊爲鄰。相思幾夕
成悲感，悵望垂楊陌上新。

朱

昇字方菴海寧人順治己亥進士授東昌府推官以裁缺改峨嵋知縣著聞中草一卷

中秋嘉州江樓看月同高銘止張之一

秋風嫋嫋動江津，故國萼絲又一新。遂有客心驚勝地，却憐
明月送行人。漁燈影樹成三五，嵐氣侵衣共主賓。他日京華
裘馬伴，莫忘此夕對冰輪。

繆

咏

原名永諤字天自後更今名字于野又字潛初亦曰一潛嘉興人著苒溪詩文南溪詞

李方湛曰于野學有根柢著述甚富朱竹垞論詩謂其部年深懲公安竟陵流派一以蕭統徐陵所選及左克明郭茂倩之書規模傳習及周覽四方風氣雖殊終不改度可謂有君子之守者

芳樹

芳樹不知名
婆娑樹下行
應憐美人意
爲傍玉階生
綺戶春風滿
高樓日暮情
年華猶未晚
搖落使心驚

別故鄉知己

野岫霜華白
江天落葉秋
如何故人酒
不遣別醪愁
曉日臨官路
哀鴻過驛樓
落帆亭下水
千里送行舟

蔣之翹

字楚霖號石林秀水人著甲申前後集

朱彝尊曰楚霖居射襄城詳對楚辭晉書韓柳文集錄
板以行又酬蔣李詩乘四十卷搜錄鄉黨先正詩無遺
兼能備舉軼事使聽者忌倦晚年無
于書籍散佚無餘詩乘亦亡可歎也

諸錦曰石林所著詩有
開川懷古雜詠等集

泊舟

止權知何地攜藜復有邨
落花緣艇出鬪鴨近人翻
未乞田家火先邀野老樽
百年知幾醉潦倒復誰論

春日送陸韋公之淮南

乍逢旋別正初春
冷落梅花解笑人
千里江關謀食計
十年烽火醉吟身
交當岐路尤堪重
支到窮時更有神
勸盡離樽何所指
黃雲落日重酸辛

西蕩灣

一抹漁家村烟波渚成
枉入市腥風來已知
齊曬網

忠孝堂

南宋德祐末里人陶某者
先世故汴人有將仕郎扈

睥南來卜居涇上三世矣國勢瀕危輸粟集鄉兵禦
元不克宋亡不仕作忠孝堂以見志藝菊千本自號
菊隱事見陸贄齋集陸名擗嘉善人嘉靖間官河南巡撫時岑琬張玉

周鼎俱有詩追詠以美之

錢塘王氣已銷沈艸野猶存報國心不負柴桑老孫子冷香
秋色一堂深

史翼經

字人肇號願菴海鹽諸生宜綸弟著吹篪集

梅里詩樹

國初士人承明季餘得文社四起吾里有景山社實始萃
閉入千之會遠近翕然附之入子者吳給諫準菴郭大
尹龍威李學博夢白金文學叔崔文學止菴孔文學
昭素其二子則史伯子仲子也吹
篪集才藻不及伯子而蘊藉勝之

喜蔣公凡移居吾里

穆溪十載寄幽廬何意南村更卜居風致自齊高士傳桑麻

重輯老農書庭餘隙地還栽竹檻傍清流不羨魚爲喜典型
長在望衡門問字日無虛

抵吳門

危橋古樹是何村草際新流沒舊痕艇子行行雙槳急和烟
和雨過盤門

丁克振

字大輝蕭山人著
迂菴集改存草

徐芳聲傳畧曰克振積學敦行當崇禎末罄家助餉草
野布衣力以國事自任著述甚富同郡倪文正元璠序
其詩謂氣力雄壯
非曼音弱息可比
黃開平曰大聲詩如天門泰盤高奇峭形迹所
絕然尋其意旨則甚溫厚和平三百篇遺法也
毛大可曰大聲詩本以豪橫擅絕卽聲色間亦遂有萬
里之勢嘗語子時無合作由無氣故鼓以壯氣則謂自
出近方出爲兩浙詩選之舉子苦繩矩
得大聲矯厲之則江左風氣當何如也

秋曉行吳江道中

碧梧搖落亂棲鴉起坐新晴見月華山氣經秋全作霧水光
分曙半銷霞松關猿雀應嘲客艸屋雞豚好戀家屈指西陵
歸棹近曉風洲畔正蘆花

趙

璧字宗寶諸暨孝

諸暨縣志趙璧前明諸生父病醫無效刺血陳情割股
以進卽愈母病復然及卒廬墓艮山廬次昏夜現光璧
意有故塚視之明日以酒奠之誌以礪光遂息有盜過
其廬相戒毋驚孝子虎過之間哀哭輒馴伏墓前枯木
萌芽復茂發連理枝璧居廬讀禮著有艮山問答康熙
五十一年具題奉

首建坊旌表

丙戌長至前三日浮山石泉採菖蒲時予年七十有四
碧葉蘭差似深根石罅穿寸長節有九愈老節愈堅陽和亦
榮茂凝寒亦鮮妍霜隕紅紫凋菖壽松柏然石泉菖性愛因
產石泉邊予亦知菖性採之從石泉

兩浙輜軒錄

卷二

丁亥振趙璧

巽

陰雨有感

連朝陰雨欲何之，獨坐空齋惜鬢絲。
有志未伸多寄慨，無朋相賞自吟詩。
子陵江上綸千尺，靖節籬邊菊數枝。
高士從來所見遠，甘心澹泊不隨時。

看山

塵緣隔斷故人疎，賸有南山日對予。
不是山雲多戀戀，只因我不出山居。

李

敷字長陽，瑞安諸生。
著半齋紀遊詩草。

半枝軒夜坐呈巖上人

入山不覺已經旬，乞得閒房養此身。
案上日翻千首偈，花前時愛半枝春。
每多煨芋延寒士，只少燒豬累主人。
清磬數聲明月夜，好從心地悟前因。

沈功宗

字先蕭山人著江別集

毛奇齡燕誌錄畧曰字先十歲著大臣論尚風節嘗讀漢書黨錮傳至度遂將軍皇甫規向以西州豪傑不得與于黨人上書自訟投筆填其下曰時蕭山沈功宗以童子同將軍上書其慷慨如此與同邑傅宗諧書江州稱江園二子合刻二子詩十四卷吳江顧有孝錢塘陸圻山陰張梯慈谿魏耕與同邑毛銜爲之序皆其友也後傳宗出試以庚子舉于鄉而字先以嘔血死孫度曰字先詩今從何其焚孝廉藏本鈔寄

送德孚之昌化

如何遠道君爲客
不惜蓬蒿我索居
縱使有心千里共
也憐知己片時疎
天迴雨氣浮鴻雁
岫度江聲動鯉魚
一別荒園應寂寞
秋風莫惜數行書

寄顧茂倫

五湖春色望霏微
顧憶才名天下稀
何日驪駒堪竝至
只今

燕雀自高飛風迴鑑水含晴樹路繞松陵散落暉爲有相思
憑鳥翼莫教寥寂掩柴扉

鍾

諫字惠遠後更名啟秀秀水諸生

觀吳巨手畫歌

吳生高奇世無匹眸子炯炯當秋日文苑風流自許豪閉戶
窮愁人不識少年百事皆能工作畫一日來神功江天瀟瀟
勢獨出蒼蒼咫尺千奇峯細莎軟草江頭綠山靜無言流斷
續空讓陶潛歸去來雞犬桑麻武陵曲吳中先輩沈與文揮
毫疾走追其羣一時翰墨照光采九天唾落春空雲吾觀此
事非小術吳生下筆從心得合時作者但寫真秋毫豈是神
明力誤落塵埃二十年時聞雲水思悠然對君此畫不肯住
從買山陰道上船

程千古

字範，弼，號谷，龍秀，水人，著《谷簾集》。

滿李詩：紫谷簾在明末，以貢爲沔陽知州，詩思峭刻，效益疎野。

得山中書

撥火圍爐伴歲闌，又驚書信過江干。山中漫說雲如絮，不護

山人永夜寒。

錢肅臨

字二威，一字方雪，鄞人。

續書舊傳：錢氏於前明稱世臣，甲乙而後，忠介兄弟死，王事其自退，山侍御而外，如肅、度、肅、文皆江上遺臣，而隱於之，埋身土室，亦其一也。善畫蘭，未嘗輕爲人作，其集不戒於火，族子中盛從，灰燼餘拾之。謝山詩：話諸錢聲氣之廣，寒灰道人爲最，開修則方雪爲最，吾鄉人莫見方雪之詩者，不知其沖澹高雅固汐社之宿老也。

兩夜懷三弟九素

殢雨殘燈夜，孤眠擁積愁。春光猶未老，心事已先秋。水闊兼

葭路雲寒花萼樓不知雙履底多少翠微收

全美補

字寤墨
郡人

袁鈞曰美補風節板高於書無
所不讀明亡杜門以窮愁終

新竹

土膏纔動已森然
迸石穿苔个个圓
尺寸早知低出地
尋常只恐上窺天

朱

洞字孝酌
鄞人

子著靜寄軒集

續書舊傳靜軒少稟家學風流醜藉彷彿其父隱伴秋
水社中所謂碧梧翠竹者也及諸社長相繼喪亡卽同
輩亦多凋謝獨靜軒與愜齋稱二老無後遺詩
散失求得其已刻未刻作合定之非足本也

春日漫興

日日題詩興不違
園林次第送春暉
煖風似酒桃花醉
小雨如酥韭菜肥
每看遠峰當草閣
偶尋修竹見柴扉
歸來燕子

曾相識入戶還能款款飛

卜居

小小誅茆鑑水頭波光鳥語駐清幽幾家烟火迷春壑一片
風花亂客愁山色到林無遠近輕鷗狎水自沉浮林泉到處
堪容邴掇學張融岸上舟

范

浴

字秋木鄞縣諸生著粟粒園集

黃泥鋪荒寺

曲曲孤邨裏蕭條屋幾間松蒼疑化石雲定欲成山
窺鼠窺梁竇跳猿瞰石關不知何代寺僧去坐清閒

薛士珩

字長瑜鎮海人

詩文草創小傳薛士珩爲前明恭敏公長子家居總諫
諱郡縣仰慕丰采不敢以貴公子目之卒後里中同志
私謚孝定先生祀鄉賢其詩初閎若
平易再四吟咏容爾雅如其爲人

兩折論耳錄

卷二

余美備朱洞范滋薛士珩

興

過濠梁見竹有懷故園

春明回首渺愁余，滿目枯楊送客途。
行到江南纔見竹，身過濠上始知魚。
千金漫說屠龍技，萬里空懷索駿圖。
爲訊故園松菊侶，殷勤好似昔年無。

邵似昇

字之如鎮
海諸生

謝文章創小傳邵似昇爲
前明司馬公輔忠節八子

立夏前一日上候濤山

顧影茫茫感百端，尚餘春色望中寬。
雲歸海上千峯出，風滿江樓四月寒。
渴酒且拚今日飲，好花猶待異時看。
醉餘緩步紆陽裏，茗椀逢僧亦盡歡。

任德敏

字虎之鎮海恩貢生官
南城兵馬司副指揮

袁鈞曰任德敏由恩貢授溧州經歷改恩州
署宜山知縣有政聲擢南城兵馬司副指揮

老馬

老馬困來仰天訴，昂首欲鳴聲不吐。
一從驅策出天關，江北苦風南苦雨。
平生深惜錦障泥，中道誰知棄如土。
病骨止堪伏，捩閱日暑長驅還。
戀主流沫沾纓舌，垂地遠樹無陰日。
亭午顧見羸犂，沒野塘水深泥淺。
雙角舉渴不擇泉，飢噬草牧豎公然鞭不數日入還歸。
屋角眠爾材，駑下無所苦。

謝歸田

字靈昭，鎮海恩貢，生官德化知縣。

詩文草創，小傳謝靈昭，由恩貢授知縣，初任固始，再任陽山，三任德化。

候濤山足有址，尋丈僧人巨然築廬而居。余昆季暨參戎康蒨門不期而集，詩以志喜。

窄徑躡霞梯，深蘿罨雲背。興至恰前期，入谷逢小隊。
攜手下南麓，臥坐愜靈對。頗覺簪紱中，同此林泉愛。
築廬僅容趾，不

兩浙輜軒錄 卷二

邵似昇任德化謝歸田

吳

逾咫尺內地形一芥浮山勢六盤戴潮駭龍馬奔巖翔鸞鳳
態四面天宇空不使雲山礙僧住白鷗閒僧去綠雲在眷戀
發清歌試問何時再

錢儼武

字元可錢唐人杭州府學諸生著鵲啼集

錢泰階曰元可公爲明刑部主事養度之孫
馮朝巡視北城御史肇修之從叔著鵲啼集凡五七言古

近體共六卷

題畫

尺幅峯巒疊丹青史玉京

黃帝命史玉京作畫

未晴山有色不雨水多

聲空谷鮮人跡危橋乏蹇行幾時游覽徧相與說遺征

友人自北回署未幾又別

兩地睽違似客別君歸益見我疎狂相逢不藉梅花信把酒
頻斟秣酒香柳汁染衣經驛路橋黃懷袖奉高堂燕山風景

難言盡又遇離情江水長

初夏借暑內同人遊櫻桃溝

聲聲杜宇已堪悲幸值朱櫻正及期
載酒不逢春薦日吟詩
未遇烏銜時珍珠倒影霞杯映琥珀
垂枝絲籠宜劇飲深林
忘薄暮歸途倡和馬行遲

姚延著

字象懸號榕似歸安人順治己丑進士官河南右布政使著作石居稿

吳興詩話姚都諫延政方伯延著俱以明末舉人丁亥會試中式己丑進士都諫歷掌吏戶工三種方伯有伴石居稿共轉運嶺南時慈山送詩皆溪浮玉生清光姚家兄弟爭翔翔後司泉江南以身活萬人其宛未白子淳齋丁未釋褐上疏訟之方伯庭有木蘭一株花最繁盛日久漸凋付孫世廷賦庭樹詩

登華不注

獨立孤峯秀登臨接落暉
喬松黛色出怪石自苔衣
潔受風霜力高收山海威
昔人衿報復戰蹟已全非

策

衡字楚聖烏程人順治甲午舉人著宋學齋詩集

陸圻曰楚聖年少負奇感物造端纏綿側隱詞多藻麗而古則漢詩調木飛揚而情益婉約蓋得天地之噫氣

也者

陳焯曰董衡爲前

明尚書份元孫

渡清源關

寒潦初平水欲收
舳艫千里湖長流
重關亦復能羈恨
古權從來不稅愁
詩酒有情消永夜
文章何意送窮秋
更嚴寂寂宵逾靜
一夜清霜上客頭

項

強字恂如奉化人順治甲午舉人官永新知縣

夜坐

對影湖生平
綠愁夢不成
白雲疏月影
小雨壯溪聲
犬吠遙村寂
蛩鳴永夜清
荒城無玉漏
約畧已三更

謝泰交

字時際，鎮海人。泰定弟。順治

袁鈞曰：

謝泰交至，嘗爲父吮疽，執喪哀毀。

順治十二年，順

天鄉試，舉人。會試下。

第歸卒。年四十八。

杜言上人自閩歸山訪之入城不值

支筇千里傍秋歸，又向紅塵浣衲衣。松影一門山客到，自開雲鎖入霏微。

杜上人從落迦還口占訊之

瘦筇風雪渡滄洲，豈是支公爲鶴謀。欵遍祇園餘白馬，過將海國冷青牛。行厨飽啖扶桑氣，歸橐閒題震旦遊。惟有鉢龍無定性，挾濤深夜吼虛舟。

俞有斐

字曉蒼，永康人。順治辛丑進士。官瑞金知縣。

登絕塵山

山在永康治南三十里，俗呼東溪山頂。有兩石對峙如門，中有洞六十餘畝。

絕巘皆萬仞間森森古木映霞關捫蘿徑險疑無徑到壑
山深復有山數畝白雲呼鹿起一池青靄釣魚還相逢野老
渾閒事茹屋清風好駐顏

查

旦

字孟耀一字封婁海寧
歲貢生著始讀軒遺集

約西雜記查隱君晚號海上迂人居龍山與黃梨洲陸
颯京雅意切劇所著文二卷詞一卷皆其婿朱達與輯
之者非全本也論古諸作
頗具卓識讀之令人慨然

春日同陸麗京宿靈隱寺曉起遠眺

百尺樓頭曙色開春風昨夜雨初迴簾前幽鳥衝雲去江土
羣山擁翠來怪石千年留古寺飛泉百道走輕雷石橋西渡
天台路幾見詩人吟眺回

王

析

字文水
山陰人

越郡詩逸文水詩思力俱出人頭地且每多驚人句惜
過于鑿怪者虛全詭亦李賀以文水之才而至此則求

異之故也。初閱文水詩謂猶是習俗及再閱精彩爛然矣。

婦蠶

桑條滿室蠶滿筐。溥溥曉露凝燈光。候眠數起睡未足。方喜
蠕蠕偃頭綠。初疑黑蟻辨不能。小動忽作煙雲生。久覺櫪槽
有奔馬。風雨直入如春冰。臥起將行怪蟬羽。素者霜縮小者
乳溫寒。惟有寸心知滿腹。絲絲爲誰吐。小姑梳頭畫雙眉。大
姑拈据求桑枝。西鄰呼我薄蠶火。又聽新絲賣聲苦。

祁駿佳

字季超山陰人

朱彝尊曰季超先生有道之士。然頗嗜奇。余嘗造其居。其弟爲佳字。止。辭書畫摹董文敏。然不如先生小楷精整絕倫。

孫度曰朱太史曝書亭集有梅市飲祁四居士駿佳宅詩。

秋日送顧茂倫

胥門九月鯉魚風有客乘潮下浙東家傍三高祠下住到門

楓葉恰新紅

林

辰原名梯字木道會稽人

紹興府志辰領崇禎庚午鄉薦才識宏博崇尙志節受業于倪文正元璐之門狷介之守老而益堅日惟詩酒自娛有同年生巡遊兩浙造廬致餽辰峻拒之越郡詩選木道古詩最強奧近體頗學中晚然大率棄置時俗畦徑被壁獨行亦一奇也

泊舟

泊舟聊振策板屋上烟霧裏徊出深溪草荒不識路頻年羈孤情感此墟里聚飛鳥攢寒林罔罔天欲暮

集王季重清暉閣

望巖立閣苔駁梁虛檐步流溪作廊崖翠送陰暑不強林蘿隔雲雲隔塘雲中奇峯立青蒼溪鳥時過白羽涼松聲樵聲

俱到堂中有澗漠今古嘗可以鳴琴飲元漿明月獨上清溪
旁

王鴻烈

字子鴻
蕭山人

蕭山縣志子鴻領舉讀壬午鄉薦甲申後棄去肆力爲
詩古文詞不拘繩尺與同里蔡一鷄稱城南二高士
越郡詩選子鴻詩不師古人興會所至率然成
章前後兩刻風後台捷似未可以繩尺尚之

嚴江有懷和友人韻

秋行明鏡上光遠渺餘清石咽溪聲急江吞草色平雲山高
士意煙水故人情我夢思嚴子離愁未肯生

漂母祠

母飯王孫生呂劍王孫死王孫七尺軀婦人實終始烏盡畏
英雄生死皆知已千秋獨報生祠倚長江水

張人綱

字培蒸臨海人著
集諸草興會筆錄

閔坑雜詠

最愛山中別一天
晨昏清磬響雲邊
松根竹下尋閒石
坐到忘時卽是禪

朱國權

字平佑黃巖人

戚學標曰國權爲息林十二子之一在雪社中尤有名詩格在陳元復朱子人之上工書似文待詔

田家歎

竟夜無眠直到曉
驚聽秧長麥黃鳥
麥黃喜得充飢腸
秧長又怕傭錢少
剝肉爲補眼前瘡
糶麥且種及時秧
小兒雖弱身手強
莫教荒却今年糧
男子飽食好出力
女子省食餉南陌
辛苦種得早田禾
晚田乾燥如雪白
上村攔足米價高
下村空腹推枯樺
阿婦典衣供朝夕
田吏徵賦入官廩
天道人事何時足
空將兩耳聽布穀

朱之鵬

字元翀號莊菴仙居拔貢生著誰思草

戚學標曰莊菴淡功名喜著述憶邑中文獻殘缺輯安洲詩遺數卷梓之何石湖寄詩有未老身先同六逸低吟興不減三餘又應琴自作閒遊贊懷友選貽論隱書云云風度超逸可知矣

春日避居村谷次攝菴韻

隱居不近水難得杜家淺但願畱窗草無煩弔剡藤送青山
作主生白月爲朋世外紛華事於今知未曾

兩浙輜軒錄卷二

兩浙輜軒錄卷二

朱國樞朱之鵬

語